

山

三

西山全集詩  
七言



三柳寄史隸識

經遺堂全集卷之十四

七言律

讀司馬相如列傳

江都韋佩金

西山

甲申

太平餘事眷詞臣須為才多愛惜身天子凌雲仙氣象郎  
 官華國渴精神制辭遠沛三巴兩封禪遙清爽世塵早滯  
 文園虛薦達尙方誰顧倦游人  
 豪氣風情乍不磨奔妻聘妾究如何白頭金屋嬌同老斗  
 酒長門取最多賦手全排李傾國悔心留贈竇連波母為  
 驟貴饒財誤方正西京正舉科  
 一代文章兩司馬千秋意氣又相如閒居官豈人言失屢  
 詔恩非病免疎爭幸同時聆雅奏可堪不取散遺書頻煩

諷諫臣心苦未許鄒枚拾唾餘

老馬

天降星精翼虎臣長嘶獨韻橫秋塵十年瘦骨英雄夢萬里高風老大身地上功名馮騁足閒中顧盼一傷神全於晚節爭千古莫道龍媒性不馴封侯袞袞畫麒麟何處堪投百戰身勝不賞功因血氣倦須養晦入精醇箭瘢留刻昭陵久生面開從御榻真一顧千金判平聲買骨安知燭武不如人天廡榮光天馬歌絡頭猶自枕琯戈拳毛壁壘荒蕪合汗血江山落日多乍可據鞍雄馬援借無遺矢沮廉頗西風竹耳驚金鼓鐵甲聲聲欲渡河

三月九日郊遊

怕過法曲汎晴天爲覓湖陰好艤船花美如人春寂寂石長於竹雨娟娟登臨未足傳吾輩山水多方齒少年不是近遊心獨遠怕循熟徑到詩邊

秋郊同黃春堂

文作陽

鴻鵠先秋意出羣得秋爲氣最能文疎風綠淺宜吹水落日山輕不設雲潮卻未生偏易暮月都無賴若爲分眼中消息餘紅葉折供齋頭冷似君

仙女廟

城東三十里

一派清淮下大江背連三十六湖塘金封玉簡人飄忽曉日長河氣莽蒼南紀秋晴三版浪西風木落萬家霜田功

看取倉箱滿愧我哀鴻覓稻梁

夢徐侃州人滁

一水江湖秋欲空情親天末起涼風衣輕舉就依微處語  
重吹將斷續中最有宿心西澗草真能喚世廣陵鐘愁君  
抱鏡明於月縹緲山頭更撫躬

古巷墨香庵訪江澧

暇沿芳草審前因心跡多違疎處親不信禪庵過仙客偏  
留古巷住今人填胷意氣凌天馬到眼煙雲起縱鱗飛灑  
五花非入夢空庭如雨月分身

書夏大琴仙蘭森詩後夏方歸自來安

興酣日落控金卮浪跋滄溟擁衆奇盡啟夜光傾錯落驚

看元氣障淋漓橫門相馬誰憐瘦絕塞調鷹不念飢幾載

環滁山色裏黑頭吟望苦低垂

秋日同嵇七蕙塘春和劉四雪塘錦思對酒望海樓樓在

秦州城內與隅

層城高湧梵王宮翼以香臺祇樹叢江海一隅如帶小東  
南半壁倚天空曾聞漕運神山出似可吳鹽到處通不貢

蟻珠留吐氣暝秋光怪鯉魚風

英年作氣競登臺曠望同傾濁酒杯落日青烟滄海失西

風白雨大江來兵萌竈產擔登起淮張起自去路津關

鎖鑰開鹽船至儀真縣高眼不忘天下計諸君草莽要儲

才

上蔣心餘先生

士

銓二首

元精列宿貫當中元氣瀾淪造化功最感師恩兼父母未  
聞才子不英雄毀儒汲黯難醫憲說鬼東坡善遣窮天與  
辦香高座藝教同雙樹護春風

先生顏所居齋曰護春堂

千鎔洪鑪百鍊精三年爲我淬心兵涓埃力不酬河嶽文

字緣都出性情如命愛才求國士無端揮涕累先生

評金文曰

國士無雙又日一哀出涕醇醪熱血淋漓最莫認西江一味清

荏平

請降五國未吞先倉卒支持魯仲連奇氣欲朝人外海孤  
情肯附醉中天趙軍高卻千金贈秦帝爭遲五十年管樂  
指揮渾未屑漫將遠舉當遊仙

泰山太守昔防邊反覆山荏構釁偏兵渡江淮傾北府天  
留廣固待南燕遷延節鉞羈荀羨老大功名殉賈堅今日  
銷鋒閒校獵健兒馳馬疾於弦

舊縣

中年聞梵綺懷除倦眼登臨物態疎廟守一僧老病死山  
荒千里克青徐石門河渚軍無渡車馬衣襦望總虛我欲  
不消峰頂雪古心封老建安初

東阿漕河

漢武宣房舊築宮愁吞鉅野合河洪豈知五汶分流北不  
許長淮獨向東慮劇吾山迫冬日歌同汾水悵秋風倦披  
三策求封禪或恐皇心尙喜功

東平州爲梁灝父子故里

科名父子踵清班坊表巍巍樹此間不少郊祁爭羨宋何如真杲特尊顏鵬盤急雪投孤磧人語單車入斷山礪道餘明瓢汲水算來落月較僧閒

景州爲董仲舒故里

物色窺園肯自禁下帷攻苦獨精沈六經一炬秦皇火三策千言孔氏心修省詔停封禪頌歌風體變柏梁吟更無砥柱狂瀾力滄海橫流到藝林

著作精腴品鍊成董醇第一重西京想多經濟爲王相未屑文章竝賈生仙掌不擎繁露冷玉杯長映井華清公江都祠極清冽申公八十勞前席敢以空言翊太平

車中卽事

鵬垂兩翼暫雞棲呼吸風雲不可稽端爲望紆判伐木未因雨滑解障泥馬頭路轉青天外駝背春馳北海西河徒潔枯沾淀左都無帶水界全齊

獻縣詠寶建德

先事金稱號召新餘氛黑闥久難馴入關師果援何義討賊名甘讓此人請命中宮齊解甲孤忠祭酒不稱臣星軍十二原天與豈但龍門役鬼神

雞泊何來大鳥翔旋投牛口豆應亡早知一鼓殲河外悔不輕師走晉陽割據從誰傳游俠激昂未屑長降王烏騅血汗勲勞重石馬昭陵第一行

鄭州詠公孫瓚

易水而南此易京三條積軌古城形雁征曉雨空愁溼柳  
勒春寒不肯青河北齒唇何日固地中鼓角有時聽一麾  
略定山前後早見堂堂出井陘  
公孫起事死王孫國命軍儲聚一屯法授赫連錐拒土愚  
同郿塢草成塵飛騰白馬閒中廐節度盧龍啟後人國士  
無雙羈執戟英雄何地不分身

河間府

傳經恭獻漢儒先雅樂三終望更賢學士循資多宰執帝  
王有分到神仙釜盤羅列河爭地男女荒唐海亦田丞相  
無私徒吏死敢將堂室鑄金錢

賀家父子本傖才重錦由人巧樣裁兵氣馮陵君子館胡  
牀翻覆受降臺孤忠環甲殤猶壯一嫗當關叱不開引去  
冰城北風急分飛鐵鷁度河來

趙北口

十二虞封北有幽臨關一割遽難收七城士女馱名馬三  
鎮旌旗偃戍樓相業翻誇界分水國威疆半損歧溝風光  
盡送官車出不許君王憶汴州

樓桑村

茅土中山衍緒長鬱葱佳氣起樓桑高車擁蓋爭分鼎衣  
錦歌風失故鄉一姓始終在西蜀中興君相摠南陽離披  
緜竹維忠孝八百遺株葉葉香

不是苞桑慮未周  
晚年徹土乍綢繆  
龍孫枝葉敷王室  
蠶食中邊抱國憂  
萬里新宮同錦水  
一生左計是荊州  
婆娑此樹休西顧  
老栢邱山費萬牛

席帽二首

席帽蕭蕭詣上京  
車箱新婦閉無聲  
穠春夢過古南甯  
落日心孤右北平  
吳會歸人和燕去  
江湖倦眼照花明  
相逢炙手肝腸熱  
或恐多情是寡情

眼前金粉借紛紛  
按劍彈冠有舊聞  
跡寄中園張仲蔚  
心輕外獎許徵君  
馮將本色難工畫  
想到人情祇看雲  
我有滌腸灰幾斛  
瓣香塵海不須焚

京口送蔣心餘先生

賜金放後未還朝  
鶴駕揚州偶聽簫  
著等身書重歸橐  
挈全家去不崇朝  
餘生忘報如江水  
絕世驚才望海潮  
無限文章知己淚  
院齋雙栢雨蕭蕭  
不逢天上謫仙人  
弟子甯甘列此身  
二十作文哀出涕  
尋常行路劇傷神  
千金馬瘦休言市  
萬里鷗浮不可馴  
更與江山爭第一  
先生晚節是初晨

夢梨閣落成自題

倚天珠樹鶴纔棲  
莫以窮居使我低  
湖海氣豪且階下  
桑麻陰重極城西  
雨餘卻病防流濕  
花裏登高省杖藜  
明發邀誰同憶夢  
不堪孤立醒淒淒

井華澆樹草堂寒  
金碧樓臺夢未嫺  
敢趁漁樵爭本色  
堪



供著述卽名山看雲欲洩尋初理與月無心耐獨閒咫尺  
上清杳真路又貪花氣住人間年來屢病屢愈

門徑

黎雲消息冷沈沈門徑紆迴不易尋晚歲紙窓晴亦雨貧  
家簾幕晝常陰幾人肯與燈同熱萬事都隨酒到心親在  
此身難徑許莫教容易感恩深

小院

小院清陰曉最清辭春入夏愴微情露添草重烟全破葉  
換花稀雨又并循徑攬衣空與蝶隔林拋食枉調鶯素瓷  
簾簟攤書坐正好新茶欲焙成

哭劉三午塘鑄思

淚絲天壤結風烟雨葉空齋咽管絃豈有英雄貪老大不  
爲傀儡卽神仙伯仁由我哀無地以經營余醫藥邁疾宋玉招魂問  
有天乍可相從殯宮去一家兄弟再生緣

英年才調最飛揚二十年來總擅場詩入漢京編樂府字  
宗周璽篆金章呼鷹大澤連竿雪射虎窮邊一箭霜可惜  
雄心湮沒盡夷門春老綠蕪長

琴絃七柱一絃沈從此思君罷鼓琴不畏風霜變華髮何  
妨陌路散黃金千尋水落無涯夢萬里天沈不死心行盡  
秋郊歸未肯獨看楓樹想情深

一炊黍頃散元精長臥疑君困宿醒斗酒彘肩吞壯士大  
江蛟血洗平生席門何日無車馬藥市教人識姓名比似

春宵上弦月落天惆悵照人清

方舟汎宅黯春波我亦辭家夜渡河無算酒杯經別少一  
生遊屐過江多鑄人到處看鴻漸流水無橋隔志和三十  
六鱗何處接芙蓉城在白雲窩

跡趁迴颺意不俱隔年清夢尙江湖歸人埽徑荒松菊名

士移家好畫圖送客長隄宵市罷擔花新雨古城蕪草河

寂寞黃鸝語聞話游蹤有博徒

午塘新居宵市橋北與蕪城草河相望

南園罷賞綠初肥一月書牀病髮稀量水清虛苟令則遷

魂倘恍謝元暉秋蓬吹我憑隨轉芳草貽君竟不歸過鳥

逝川難可再未聽隣笛也霑衣

遙帷臥瑟幾經旬悔不當時自寫真我輩可知都在眼登

堂一慟爾何人驚心鬼錄方先路回首窮交偶聚塵似海

香光猛蹉跌山堂梅蕊再來身

榻無絮語留妻子篋少遺書愠父兄刻苦未償應不瞋文

章最少却多情論交江左慙榮服膺疾漳濱失衛生見說

皈依曾入度道人心事未分明

田橫館外土花殘豫讓橋頭水氣寒夜靜冬青聞噫歎魂

飄石礎拜衣冠茅亭果許成高隱

午塘今春展祖墓慨然思結廬壙間載酒

仍來結古歡白日留名君本色眼前才淺莫題棺

雷塘上冢

午塘葬處

太上忘情苦未能茫茫人代一沾膺徐君劔挂參軍鍤墮  
淚碑橫下馬陵剩有我存頻伏枕彊留君在欲爲僧年來

知已如星散獨抱春愁恐不勝  
絕憐經歲闕相看未碎琴橫石上彈六尺輪君長睡穩萬  
金免此一抔難無人作傳遺文沒有弟傷神夜雨寒清淺  
雷塘杯水薦重泉吟苦屬加餐

晚晤高三綺塘

綸

飲修竹叢桂之堂卽別

兒女青紅炫四鄰道旁糠覈眼前塵偶同晚食無兼味喜  
見新詩出故人往事低回廿年久舊家風味六經醇傾樽  
更剪虛堂燭幽獨愁傷入夜神  
撇我行吟自聳肩吟情凄折繞朱絃相思不斷長湖草百  
感爭來閣雨天周道履霜歌葛屨空郊采菊薦寒泉風疎  
雲上教成別荆棘慚生滿寸田

鳳凰山咏錢鏐

有人遺愛滿山阿黃屋無心戴尉佗勾踐事吳頻奉表漢  
王歸沛足高歌編年全浙兵戎畧逆命中唐節度多碑版  
表忠滿元氣百靈障海不揚波

間道儲胥謹自供頻年尙父拜盧彤婆留貴比婆樓子鐵  
弩功應鐵券封隱忍淮南分李昇保全湖水待高宗錦衣  
幾葉離披竹閨運江山比畫濃  
百年已足少更張休息東南漸小康正朔幾曾專奉晉西  
平不敢驟稱涼告終詩局容羅隱經始虛名借董昌畢竟  
陌花開不了相門他日進姚黃

京師送人津門省親

因風聚散一林鴉帶雨浮沈滿目花我十千年仍墮地君  
三百里便還家得閒遊去梳翎鶴未早歸休畫足蛇比戶  
遍能娛菽水管教爲子不天涯

出都寄黃大仲則

景仁

金橋冷碧直沽連去住茫茫互黯然方輒延恩給官札

則仲

獻賦試二等  
入供武英

銅壺清禁滴華年出京水宿三千里看月他

鄉二十圓不是前身香案吏閒居得近紫微天

八口粗安計未成肯因離索一吞聲秋天原不宜風雨磬  
室都愁少弟兄江水共聞吾不食薄田何在我歸耕太倉  
濟濟分升斗但闕封人遺母羹

迴憶乘船馬上來南皮倡和聚燕臺君身自是多仙骨幾

輩都從乞剩才壯志難移范孟博斷腸底事賀方回惜陰  
愛日須三復漫對西山數舉杯

題山陽環水亭

吟魂倦暑貼平流橐筆從容往紀游虛借水容方絕勝疎  
知柳意慣先秋鱗鱗城郭帆檣近澹澹陂塘烟雨收我是  
暫棲珠樹鶴珊瑚不掉海東頭  
一綫危隄接上方蒿青深裏坐聞香船窻極望忘亭敞夕  
照能清想夜涼隔浦閣深簾暗暗倚闌人去水荒荒登瀛  
咫尺風吹落便抵星河限五潢

淮安書院示閣生

文科

二首

天然才思茁新柔每讀君文抵勝遊一角遠山秋過雨四

更殘月水明樓焚香坐厭花經眼底厦心忘屋打頭何必  
文昌主司祿轉教光氣掩奎婁

隻字吟安要老成紛紛衆取未須爭蔗須善食方知尾芋  
有竒香不易羹百里米惟因母負一燈譚許對君清少陵  
下筆醇風俗努力門墻出正聲

宋文丞相祠堂

臨軒詔策矢精忠鐵石肝盤古鑑中不諱豪華到酒色那  
教成敗論英雄邊防襄漢看全棄兵氣東南久不充板蕩  
朝廷力撐拄汗顏全盛陟軍功

義旗剛起詔旋頒分界平江勢益孱朝命荷難持作柱道  
謀苓欲采於山斷頭未了嚴顏事剖膽方知伯約頑不遣

宮車阻潮汐片雲龍子落人間

千百陵都掉舌來車藏橐載許生回撫軍不啟眞州鑰養  
士偏多海外才丞相出師勤北狩諸君留淚哭西臺男兒  
肯辦從容死濺血驚波酒一杯

燼餘到處卽行都南劔支持一綫蘇箕尾不妨騎去晚春  
秋從古抱忠孤歌來仰激平生氣紙上空譚四鎮圖二百  
軍州風捲急更無城郭聽啼鳥

澳門西轉海洋渾坡嶺崎嶇敗亦尊肉已在礎求剩鬻木  
難支厦又燔根河崩留守三聲淚天圻宗臣五丈原死餓  
不成須死殺趙家年號小樓存

雲霄心事揭天高生祭書生附羽毛裂背孤兒摧白雁搥

膺王氣盡黃袍從頭科第無雙士殆死文章一卷騷擊碎  
空祠如意竹忍飢朱鳥盡情號

秋晚送胡三薊谷玉再赴掘浦甲

玉露爲霜葉墮林悄悄城郭結濃陰江南祇爲生君好秋  
氣偏於送別深綠水不容孤影唾黃花又證一年心浮生  
綺歲爭駒隙欲向人間早鑄金

四百郵籤握幾巡經塗轉慣轉傷神不論冷暖離鄉飯暫  
與浮沈附載人酒到方中甘小戶事來勤理促歸身十年  
同養看山腳飄若浮雲問海濱

舊宅相望水半城薄田無計耦躬耕飄零至竟方觀海離  
合何憑未隔生門掩殘鐘催落髮雁來深雨歇孤檠竹郎

閣筆摹情思儘費長吟畫不成

時屬方竹樓寫東陵送別圖

行行相避學參商事事難諧遇角張滿眼風霜慳福命一  
生離別鍊文章交遊強半傷回首忠孝從來出熱腸苦語  
未須妨作達爲君短氣與人狂

初春送薊谷三赴掘浦

新綠將歸未着林山堂十里黯空陰樓臺以漸成烟霧風  
雨無端自古今冷處歡如花事淺坐來悵與酒痕深闌干  
重疊無人凭春水澄澄但此心

大地陽和啟蟄封奮身不到可憐蟲新春花月千重箔獨  
夜關河一葉篷待伴情多惟有雪打頭事苦不因風晨星  
舊雨頻寥落佳節臨歧況不同

小舫纔如屋半間夕陽野水載餘閒老漁代裏蘆中飯濁  
酒對傾江上山路自眼前分咫尺書於腕底報循環支詞  
冗似官橋柳冶葉倡條著意刪

甲辰人日

電光睽睽過年華暖氣匆匆滾日車麥苦雪稀纔坼甲梅  
無寒勒且遲花中年思穩航清坐近市聲喧夾舊家但有  
焚香敦夙好遠心如客在天涯

芳情纔到百花頭絕勝風光此上游人日儘支今歲酒上  
元能總一春愁草仍舊色心先綠水動新聲意已柔駿馬  
香街馳未肯要探消息十三樓

春來何早我尋遲靜樹微颺一任吹本事未幾爭說夢故  
人第二欲刊碑蝸廬霧露生脾涇雞助功名足鬢絲五嶽  
未窺聞道淺杜門慚愧挂頤時  
送春滋味較迎春往復天心見在身花月略嫌佳入夜烟  
波定不淺生塵但聞簫鼓都臨水如許園林未見人太古  
心情小兒女怕隨流轉失吾真

初秋湖泛會者七人分得寒清二字

蘭亭佳興久闌珊弄槳重遊水力寬蟬偶一聲驚柳倦秋  
纔幾日覺花寒天涯歷遍家山好海內交多舊雨難獨傲  
最能凌衆颯澹中留眼盡情看

酒與孤懷到處傾澄澄空碧照平生文章豈易同甘苦事  
業何堪捨性情十里遊都尋夢熟幾年泉許在山清日斜

枕去聲肘啾啾語如禽城隅風水聲

瓜洲道中

飄若浮雲不自由市河風急送行舟隔窓敲火岸山晚開  
篋檢衣天水秋薄薄酒疑沾自魯勞勞亭合改名休鷓鴣  
浪打蘆花雪八月長江早白頭

簾閣人家欲畫難疎疎闌檻襯漁竿從來出郭宜微雨不  
上此樓非大觀山寺鼓鐘聲水動江村籬落墮花寒海東  
咫尺無消息一片秋雲各自看

常州客感

戶小何心對酒觥劫終無復理棋枰吹燈雨夜衾初薄飄  
瓦秋空夢不成葉落隨風思樹苦江長到海記源清山茶

伐盡雙鬟嫁病榻僧樓十載情

乾隆四十三年夏五及黃大仲則締交都門明年

秋握別越四年聞客死山西喪已歸厝臨會無

及又二年訪常州南郭內浮橋舊居拜母弔孤

詩哭遺像

來去匆匆了世緣賦奇原在劫塵先天心是要君千古我  
恨偏遲見十年浪跡果難爭福命才人何必不神仙淵源

石臼湖中水清入雲溪更可憐

君祖大樂高淳校官

映世光華鳳有輝契懷雲水鶴孤飛瞿曇墮地看黃面

里中

呼為黃面瞿曇名士登樓認白衣

朱竹君學使為會於太白樓君年最少著白袷頃刻詩數百言

紫極宮秋心可掬青山夢好死同歸恨難脫去形骸早蹊



徑人間比並稀

曲江銀榜向晴開七度秋風羶穩回供奉何年詔金馬都  
京有賦獻蓬萊盪曾海嶽研奇氣司命星垣薦鬼才終狗  
衆心阻登轍男兒資地足心灰

愁病湖湘興未闌并州西去攬遐觀蓮開太華懸心苦雪  
積中條映骨寒自古悲歌最燕趙由來幻夢破邯鄲長生  
難老辜方物真信龍門點額難

庭樹如兒瘦不長棲貧兩代黯孤孀告身夢領郎官軸遺  
挂愁空處士堂燈睽半明歸路杳風吹欲斷旅魂涼揚塵  
東海知何日不放生天祗合狂

經遺堂全集卷之十五

七言律

江都韋佩金西山

葉道人

道人家江南桃葉渡刺涼篷船出秦淮過江湖  
邗上響水牖往來四橋烟雨間船極整秀器用  
精雅每棧城北水門外待客四望開敞於月夕  
尤宜載余遊如歸人之識其家葉獨居不穀食  
清晨啖棗數枚餘飲水而已賃其船多不計直  
嗜文字若世之趨利然蓋靜而安貧或聞道而  
隱者歟

不識六朝以後事飄然一葉青溪陰肯來就我作遊侶於

未渡江清道心橫榻坐收風月潤短欄凭到水雲深蓬瀛  
只在人間世如此烟波何處尋

故家塵事早安排雨洗秋山淨老懷寄業不妨高士鏡餘  
生都付太常齋水於任我浮時遠月到無人看處佳怪底  
推篷不歸得一作可泊來原在小秦淮

鮮食家風掃地頻一船如屋淨無塵沈竿不拾浮生夢照  
影難爲漸老身秋水似詩清到骨晚花無伴瘦於人尋常  
蓑笠閒來往許識真卿便絕倫

和戴二雨峰潤移家四首

曾傍清瀟記八愚更沿湘浦命三五草堂貲送堪移杜營  
地耕荒未飽蘇奉母慈鴉爭護艇愛兄瘖雁不登廚半肩

書劍如無物江上防人寫作圖

真州城畔牖門東曲檻層軒映若空曬網夕陽紅樹滿插  
籬秋水白雲通秣陵烏沒長天外棠邑人來細雨中欲懣

綺懷仙掌骨瓣香吹燼五更風真州城北仙人掌相傳有柳耆卿墓

新居歲杪憶經過款我深房肖繭窩隱隱竹簾常不捲蕭  
蕭江樹本無多雙鬟茶竈盈鐺雪十指天池冷硯波許侍

香花聽清誦慈雲深裏學哆囉

知借移家作解嘲短衣江酒古歌謠不妨心冷和秋雨却  
恐才多似晚潮塵鬢都如葦白早吟魂禁向蓼紅消半村

門閉長塘塞南郭愁登第二橋戴舊居在郡南城內半村其東爲新橋

哭蔣心餘先生

萬間不省杜陵哀自許原從稷契來上界星辰聊住世  
盛朝師相最憐才淋漓血性濃堪泣倔彊驚波濺不回飲  
我靈芝枝上露護春堂額是蓬萊

木天花筆爛奇觀一石全才欲剩難奴僕幾人命騷雅海  
潮間世失蘇韓出遨風月生春色赴召然疑署鬼官留得  
蘭亭真本在斷紕零素忍重看

風雲附鳳與攀龍曝背金鑿滯舊蹤小受底能盈國器微  
撞翻恐噎洪鐘冰心冷滴銅壺水鐵骨孤撐石礪松

天子知名垂問數晴空閭闔影重重

歸棹生憎焦石塘穩移家具住南昌知章未詔分湖稅杜  
甫頻營築草堂一片碣寒修墓塌四絃秋老覆亭荒從頭

吳會英才譜許入公門盡老蒼

後學爭呼韓退之疎頑愧作處囊錐愛才能吐孤寒氣知  
已須難未遇時國士到今真報短先生此去更心衰十年  
行路尋常客無限恩門顧影悲

還朝未一掌文衡玉尺騷壇自主盟才大人寰難手替數  
奇年譜訖躬耕異聞最詫真仙死熱血空偷負義生欲上  
史官書晚節生天面目照江清

哭李寶幢先生

汪度

文章辛苦閱年多奇遇精心兩不磨五色日甯迷李馬一

頭地忝讓東坡神山風引頻離合

金卷擬會  
元三日

黑水珠沈費

網羅險澀劉幾甘皓首不遭刷帛轉登科

果遂京師歎大觀聲名斗峻品冰寒斯文得售搜奇苦國  
士相期副望難選格尙閒如落第師恩欲報豈需官門墻  
不少蓬瀛客青眼偏從落拓看

許太倉分米一升海波寺畔憩行滕春鈞委婉噓枯草書  
屋然疑認古藤瘦不再鳴宰相馬飽無可縱枉調鷹傷心  
人海淪元命風幕難傳講舌燈

御園承值屋三楹每話家常坐到明感遇淚禁終夜下憐  
才心洗一秋清功名上水紆船力風雪西山少世情苦露  
酒樽空叢菊萎茫茫何地報生成

朝請還山伏九閭暮騎款段出都門桓榮會不陳車馬疏  
廣歸甯念子孫閒比奉祠優夙望老猶造士禽

君恩完人咫尺偏相失之字江長繞夢魂

芙蓉城主赴清班司命星芒動九關忠肅西湖驚涸水宣  
尼東岱泣積山陸莊最愧荒無地杜厦空思庇萬間從此  
垂頭溝壑辱龍門莫訴舊登攀

元氣童顏大地春絳帷示疾未盈旬歎公名位全歸日是  
我生平不再人草木各深行樂敬淵源堅矢在官貧歧途  
天更慳知已骨相虞翻分外屯

江船風雨晝淒淒哭寢門人跡尙稽誼愧蘇髯敦季默才  
慚李漢序昌黎中年哀劇生徒贅後死心灰理亦齊欲化  
催歸暮春鳥託身封樹盡情啼

悼亡詩

孺人姓楊氏名朝美字鳳姑江西南豐縣人父廷俊兩淮鹽運泰州分司判官母梅太孺人孺人以乾隆四十年許字余越四年來歸生二子德源德濬先後殤孺人以哭子慟嬰疾五十一年五月卒歸余凡七年年三十一歲以余官階敕贈孺人方孺人病亟余與訂歿後不更娶茲得詩十六首以明志亦略見孺人生平余觀古詩人自潘黃門而外如元微之李義山皮襲美諸家各有悼亡之作余家左司集中感歎類所編同德精舍舊居傷懷十九首足以寫其哀而均不序所悼 本朝詞人如朱竹垞亡妻馮

孺人行述陳其年先妻儲氏行略覺較詳余不更贅焉

瑣闥青圍綵勝重赤繩江右繫淮東依劉病早垂三死對孟文難送五窮乍洗妝於彌月內兩更喪在七年中嫁衣時節潛搜索未到人亡篋已空

伴坐宵長掩舊經瀾翻往事動悲聽書生鬢爲心花白羸女年纔陌草青未逮我官羈後甲竟沈君命殉添丁文章欲替河東手例與宏農撰誌銘

拙政山茶恰兩株等閒連理雪中枯常從事後思家毀豈待人言識瘁殊淚盡哭兄先哭父慟纏孀母對孀姑浮屠說有臺千尺莫望鄉關只望夫

送行苔綠蔣山遊幾日纔歸自楚州寢疾最驚書到夜生  
悽能說月當秋曰炊屢識妨魚水鏡破仍諧有雁邱記得  
金鍼招學繡茶蘼花雨隔紅樓

娑羅山館愛春暉夢裏身輕作燕飛一水近纔經再至兩  
年來漸不思歸香花寺閣同趺坐風月船窓尙影依倚到  
闌干第三曲雪衣不放放青衣

也知分不久團欒宛轉堂闈力向殫支枕病無三日好蓋  
棺贖便百身難心甯倉卒同軀歿骨以扶持失我寒儂負  
微名君慧性人間容易夢驚殘

閨門風義好昆朋風雨茶租力未平生不忘君同泣日魂  
應鑒我別來情相期畢願山須買預最爲官水樣清重爨  
兒衣箱箴在推窓扶病剪刀聲

和衣榻畔忍春寒燈火孤鐺夜又闌止酒心情歸茗醉薦  
櫻時候戀橙酸支持藥店餘龍骨拉雜方書試馬肝魂是  
病魔消盡久塵筵網戶欲招難

閒中消渴對消飢消息何煩鏡聽知思舊人非因手爪未  
亡稱轉誓鬚眉流星慷慨經天月磐石低回織葦絲賣賦  
千金俸叶平聲十萬營齋營奠亦虛爲

身後條條自理論而今部署果然真從來姿首終枯骨似  
此糟糠少替人忍鍊天傾五色石苦囊絃斷一牀塵清池  
昨夢無根藕碧落黃泉未了因

了烏倉根黯不開無波井水盪秋苔一朝相失遽千古慰

我除非君再來多覺衰門爲壽累閒居私制守心哀此行  
煩惱消除得撒手人間不肯回

土搏何處乞皇媧奇藥虛傳古押衙遺像挂閒今夜壁靈  
車戀冷舊時家日偏忍斷溝頭水春不重看陌上花綺語  
一生無位置爲奴雁與後棲鴉

情綢釵鏡感前塵立地茫茫第四輪所歷處都供入想不  
言時頗耐傷神定婚店是尋前劫約指痕留認後身原較  
漁洋少兒女蘆花防有製衣人

星精河鼓落銀灣風起仙裾望莫攀展轉竟牀惟有簟虛  
無隔海是何山盈梳但緣生前髮澆酒難朱地下顏揮手  
瑤窻舊雞犬不教舔藥上雲間

時婢婦多染  
疫無不愈者

故衣誰道不如新明月高樓鑿苦辛持戶乍勞三日婦舖  
糜便了百年身兩兒泉下今將母八口年來剩幾人我似  
葭灰已逢劫暖風吹煞不知春  
春未平分月半圓瓣香無福禮金仙不祥人暫羈塵網忘  
寐魚能醒世緣縮地難追遠行客箋天略破小乘禪苦心  
更制中年淚勉爲高堂遣暮年

### 病起寄洪大疏谷

古心如夢晤皇墳一瓣香薰大士聞天假餘年甯借藥人  
除俗韻再論文置身稍定思孤館得月誰家恰二分窮薄  
不甘隨世活采蘭幽念欲同君

乍寫詩圖派四甥西江水不比君清懷人紅樹吟方苦爲

我青山買未成風簞手磨鋪地色竹鑪心折煮湯聲露禾  
暴長瓶花悴親切從頭話養生疏谷填詞有錯茶多苦瓶  
花易悴之句聞者虞其不

壽

春杪同江編修德舍人漣郭戶曹均江上舍藩林

秀才道奉邀國博金先生燕公讌蔣世講知於

湖舫卽席成

吾師才子快招尋觸我茫茫寸草心閱世苦難文事好與  
人多忤舊恩深綺懷欲懣烟波碧幽語原宜水竹陰十五  
年來障元氣淋漓杯酒更同斟

兩船銜尾出城闌別後風光又幾新花氣清於前夜雨人  
情濃到十分春塵蹤鬚鬢驚高會血性湖山贈故人驥子

鳳雛早追逐却緣老大轉須親

看翰林公此出遨衣香人影舊紅橋一年春好剛三月四  
座譚清邁六朝聚老門生歡載酒留佳公子醉停橈淵源  
咫尺斜川近津逮滄溟萬里潮

古北口明燕王將兵出口處

愁克迤都重將權北平馳騎出冰天幽營門戶爭三衛山  
海藩籬壯九邊花氣欲闌愁燕影松亭不遠接榆川河西  
一棄驕回紇悔徙甯王二百年

土木咏明英宗

塞上孤城指舊屯偶親軍旅便蒙塵離宮夢冷氊裘雪戰  
地腥遲草木春辱國自來緣宦者回天從古仗孤臣北轅



左袒無明詔元祐垂簾少替人  
北斗深宵墨氣長六軍虛障九邊墻不傳行酒如懷愍但  
可生還傲靖康有識暫教成雨帝相驚渾未似風皇征誅  
卅載饒兵力曾此窮追過應昌  
早格君心悔易儲敢窺象緯惑星樞重歡二聖爭騰頌構  
間三宮盡伏辜惡諡泉鳩須不暝多情嶺鷓競相呼迎藩  
大起風波獄忘繪冰天北狩圖

盡室之官蒼梧六首

出門跬步卽風塵慙拙先由僕御嗔四十年來幾家具六  
千里外一官身憑何倚著干微祿如此江湖挈老親人事  
浮沈聞道淺前途未敢說知津

滄海安流遠近齊急裝當發意還稽田無一稜園三畝屋  
在花南墓竹西賤子所甘惟飽飯書生難得是卑棲青桐  
顧影傷孤立況少移家葛令妻

將住他鄉別故鄉途長曾未抵心長烟波暖日連芳草城  
郭春情滿綠楊在昔鶯花憑著屐而今竿木要登場家山  
猿鶴休相送穩護盧鴻舊草堂

不是尋常逐雋游一家圖畫五湖秋上肩恐較山猶重垂  
手難分水樣愁畫界邊荒多置守問民疾苦要分憂驚心  
何必風波惡珍重江行側搶舟  
操刀製錦幾人優百里親民得自由敢道許身須稷契未  
應異撰哂由求官貧待罪非難老吏猾程書不易搜乍拜

姑嫜三日婦等閒何以薦家羞  
西望藤州防寇萌南隣合浦耀珠明最難邑擅從來古須  
稱江分第一清當考未容輕報最思歸豈易遂躬耕烏私  
矢我終身樂努力三年畢宦情  
儀真待闌步至東嶽宮卽事  
當筵顧曲已成塵小泊還逢定子春燈月分明故鄉水管  
絃親切別家人聽清響是空江畚愛肉聲於入夜真綺語  
多生磨不盡何須苦餞轉蓬身

琵琶亭

司馬無端百感生青衫久懺綺羅情等閒名士官催老不  
盡長江淚滴清貶諫略同韓吏部致身空惜武元衡會昌  
一品堂堂夢喚醒曾無裂帛聲  
老嫁商人春夢婆蘆花楓葉思如何客辭湓浦秋看月江  
到潯陽夜不波有淚却於閒處灑曼聲今尙此間多悔將  
樂府留宮禁不放天涯處處歌

登黃鶴樓懷黃

仲則

仙人遺世欲何之我略乘風便可追直到半天無著處禁  
誰千古不能詩與樓俱入空明裏顧影難爲獨上時黃鶴  
黃童恰騎去無邊水氣剩今悲

永州城東十里西溯湘源

瀟江初下碧沈竿峭絕西巖傍宿難陽海分流全楚盡越  
城古嶠丸疑寬高天嶽外風霜澹白日湘中水石寒我是

春陵酬和客再來步步使君灘

岡滿黃茅嬾結庵浮家船更小於龕九江都未逾湘遠多  
石從來擅楚南周竈擁兵空望粵馬王割地不歸潭爲憐  
仙吏辭香案天許靈源獨自探

自湘口西行五里花石可賞

湘口西循石壁斜夕陽雙槳暫停划且緣野渡橫舟水閒  
看小山叢桂花滿眼爭歸風定燕何人更說捕餘蛇一官

清透瀟江骨纔許三吾占作家

唐元結爲春陵令卽今道州瀟水所出

丹山赤水

懷集縣西七十里

管分容廣蘊精醇元氣淋漓到此伸拔地仙人工結撰融  
川造物見精神孤懸李令心如日滿照將軍膽一身渡虎  
斬蛟行自勉勝遊作記彼何人

留別懷集父老

飛花無定出春城小邑風留父老清送我莫將官長看沿  
溪長想酒漿情保家計切休耽訟謀食方多最力耕省歎  
中年凋鬢色如霜常照水西營

越王臺

擁兵按法粵江頭霸氣秦餘遠不收始事類從官吏起娛  
情直到帝王休老夫偏彊憑天外刺史紛更看洛州一拜  
高臺毀黃屋魚龍夜偃海門秋

漢皇豁達與天同大長蠻夷屈朕躬嶺海文風開陸賈西  
南邊豐啟唐蒙異人歸國原奇貨丞相捐驅亦小忠詔下

千秋兒晉爵封侯何必定成功  
山高五指接烟雲裂土蒼梧勢欲分  
甲帳筵前逋節使樓  
船天上下將軍緣情楊白花飛曲學步  
龍天宇釋文懊惱  
雄圖及身盡鷓鴣聲裏最思君

端溪采硯

端溪溪盡積剗痕分品維三下最尊  
紫色腴多鈎地肺青  
花浮動拾天根斯文秀絕原從水致用  
清虛別有源便欲  
嵌空高要峽只愁巖外海爲門  
妙凝雲水浣星辰肉好抄摩愛最真  
薄宦自來舟載石浮  
生惟有墨磨人高文點窺唐虞典綺語  
消除兒女仁三百  
半灘辟幽怪不教風雨夜隨身

哭汪大容甫

中

肯畀全才天意殫孤貧都道假年難  
儘窮日力借書讀作  
客歸來無鈇彈謀養何須蠹倉米  
蕪名生怕蝨朝官更除  
可語西山石只有生平一謝安

汪以拔貢受知  
謝金圃侍郎

文章洗伐絕紛拏冷最清腴澹最華  
佳處焦山有修竹春  
深沉水望桃花吟情苦欲雕肝腎至  
味酸留在齒牙葉落  
鐘鳴淒五夜蘭亭真本落誰家

萬卷沈酣夙抱優著書鑿齒論長頭  
憂深赤岸紆籌策

謝

郎疏論河防得  
詢汪代爲條對甚

旨垂  
該博

望斷青雲卻佐州慣嚼屠門汚浪

跡誰眠酒肆嗣風流故人莫問縑和素  
吟到薜蘿百念休  
記從委巷訪西城無限秋風落日情  
以古鞭心孟東野如

烟蘊竅李臺卿言羅根角難迴命字食神仙不養生容易  
泉流赴江海愧君終始在山清

謁柳侯祠

卽羅池廟在柳州府東門外

此行山水冠平生大放瓊瑤玉珮聲近治可遊包永記羅  
池爲館倍湘清泥塗碑版千金直憂患文章百鍊成更張  
吾軍韓吏部空堂蕉荔滿騷情

永貞朝局太匆匆光顯才人偶一逢例貶豈同真破碎三  
奸原不概心胷驛亭置酒歐陽翼京兆陳情許孟容講畫  
未終拋弟子無由造物閔龍鐘

俎豆高宗宰相孫死能食土肅心魂降神醜厲無威福中  
壽春秋與鶴猿步武科名傳柳告經營身後賴盧遵孤臣

有恨難歸海百折清江繞廟門

劉諫議

蕢祠羅池廟右

南紆梧野北湘瀆祠祀東城冷暮雲宦者焉能教落第才  
人從古屈參軍據鞍嶺嶠推勞積漲水江洲或異聞直道  
投荒滿青史未官敢諫孰如君

揭榜新除李杜班不由執政叩天關廿人抗疏同摧血此  
輩登科豈厚顏賈傅無年弔湘浦要離有家割青山辦香  
心事銜枝鳥亂摘繁花插墓還

飯樂寓齋得平字二首

苦耽舊治看春耕省費趨迎入郡城背水竹應如我瘦極  
天山肯向人平扁舟不去越裝盡舊雨相思湖草生兩鬢

都霜衣更白十年流照鏡中情

非因瘴近怯餘生

下五字唐劉文房句

自信吟懷勝長卿好事斷流

何日續人心巖邑幾時平開門墟客爭春價滅燭隣春急

夜聲吹得木棉花落盡不來繞樹豈無情

邕江舟次寄莫三芷厓

汝濤

端州坑研宣州紙曉起高齋望若船水石稍宗董北苑竹  
松全掩暉南田但留與我周旋客不使由他笑罵錢雞肋  
一官何日補廻翔兩郡十三年

我來衣白眼逾青家刻傳觀帖丙丁熟客飲沈缸面酒好  
花開滿硯頭餅半天灘照神燈轉一葉江懸夜雨聽雜體  
寄懷縑素密囑君真本莫飄零

江舟夜聞兒啼

誰家兒女夜酸嘶客枕無眠曉更淒應為慟深呼父母却  
關心赤感孩提劬勞生小真難再哀樂中年況不齊子舍  
親門六千里悲來何處向人啼

舟次留仙厓與桂林相望

巖城有畏滯中流風景原諳舊日遊老獨味辛宜嶺桂詩

窮思冷澈湘秋兒童笑拍臨厓手金鼓喧廻獨木舟

粵西於孟

夏賽龍神剗木為舟六月送神則焚其紙紮首尾於江上待罪十年終負

國置身無地使人愁

老母在揚接

金

罷官信溯江來粵數日

金

抵桂林

微聞遣戍伊犁

衝波扶病到兒前兒在兒方聞戍邊貧仕敢言官敝屣重

逢甯料坐離筵蘇詩 窮官前臘五來粵嫂日蘇詩

君親兩負酬何日去住都難況少錢牽牽浮雲剛作片驟

教一割不同天蘇詩 蘇詩六日送蘇軾十平樂良

名場失足指窮邊鐵骨生成肯乞憐千手術難工縮地十

年官不再朝天崖州圖近馮張壁粵西由高雷赴海南千里而近 敕勒歌

酣蚤犯絃惆悵長途通策馬不成河處汎書船

西大荒經塞袖中茫茫此外儘囊空盪胸邊氣鍾詩格司

命炎天改朔風歡伯耐官能久住丈夫垂死諱言窮生愁

繫帛傳書遠六六峰頭阻塞鴻

枯菱虛迓鳳城春恐惹摧心倚杖親將行恐傷老母心不敢實告赴邊但以入

都請復為辭 鬢髮妾為持戶婦垂頭犬代應門人數逢其隻翻

蠲俗事不堪聞却當真從者隣家齊閣淚環看一拜舍兒

身

桂林寓樓王四若農尙珏過

捫天到立魚峯頂散夢秋風鳥背輕立魚峯在柳州城南二里秋風鳥註見第

二車馬由來帶傾覆蠻荒不定卜陰晴路泐紅樹疎邊水

人上青山缺處城今日登樓杯酒罄弱豪清鏡有平生

經遺堂全集卷之十六

七言律

江都韋佩金西山

讀木蘭詩題後

蔡女何須怨拍笳，明妃多事操琵琶。  
空傳有姊不當戶，幾見生兒能替爺。  
百戰將軍勞逐鹿，十年火伴悔歸燕。  
山來去春常在，西閣床頭未放花。

度澱水

晉公作帥涼公將，赫怒王師急進征。  
上水澱州通轉漕，別屯洄曲老精兵。  
山河十隊摧申戍，忠義前軍壓子城。  
留照潼關心似日，至今風雪不聞聲。

許州



司隸西來轉禍樞乘輿居許遂奸圖重悲青草生千里枉  
祝黃星復五銖地接兗徐工假道天昌金火拱當塗匆匆  
去路歸漳鄴莫上三臺望兩都

簡耿四晴江仁育時遷汝州刺史

豫州人地擅高華我辱泥塗望更賒新進官階名刺史舊  
同里第老通家風塵王謝尋常燕雨露姚黃第一花紫氣  
關門請西顧伯陽從此去流沙

十載清娛畏義堂忍開老眼看投荒逢人枉壘陽關曲有  
酒難澆越雪腸饋贖兼金行受宋望塵三舍倦遊梁姚州  
努力敦風義早贖西蕃郭仲翔

滎陽弔項羽四首

余乙未計偕道出西楚霸王墓下詩三首多驚  
聲調良未慊心頃過劉項相持處廼慨然於羽  
之所以亡漢祖自出蝕中定三秦至戰固陵追  
垓下誑楚屢矣羽敗且死慷慨直遂暴不失正  
遷史惜而躋之本紀有以哉因更成四首前作  
遂不復存

重瞳終不寤東城往復滎陽勢已成巴蜀攻心三月火齊  
梁掣肘五年兵背關慷慨無西意陷澤迂迴肯夜行努力  
驅除殺遮說董公之後又袁生

腹心終始老居鄴雲氣星精欲動搖玉斗不緣卮酒破金  
刀應與鑄兵銷關開宛葉容堅壘車走河津失斷橋草具

當筵促歸骨軍門杖策語蕭蕭

女子東門戲沐猴機心千古割鴻溝渾忘季父周旋劇倘  
緩而翁頃刻留距塞都無大司馬窮追再合五諸侯憑師  
曲直論成敗忍辱河山寸寸羞

相持百戰迄無功蕭瑟三關楚帳空間道君臣饒縱橫拔  
山氣概誤英雄覆軍先後朱雞石爲德從容呂馬童一姓  
吳中有監國請看卷土出江東

### 汜水三首

雄關楚漢扼咽喉再失成臯霸氣收景命終歸赤精子孤  
軍空度海春侯山河四塞烽烟合壁壘都荒草木愁千古  
戰場天意在漫將設險咎春秋漢敗曹無咎

洛陽當日困孤城飛騎燕南召客兵握算兩亡先決勝從

人作賊果無成三河大俠堅環甲四箭神駒痛躡營多謝

將軍入牛口恐煩天策復東征唐擒竇建德

消息邊烽逼靖康延安經略啟戎行渡河慷慨同宗澤留

守威名謝李綱從古知兵推老將幾人觀釁誤勤王未須

籌策紆軍府早夜親王出汴梁宋种師道援汴

### 鞏縣四首

于天崧嶽起峻嶒夾澗輾轅取次登會汭原從河入貢居  
皇不嗣夏中興邛山半壁周殘聚洛水浮橋晉五陵漫恃  
成臯險全扼陽城北上欲偷乘

何曾形勝管興亡顆粒民天翊帝王漢壁功多緣就食隋

都事去失開倉鄩侯轉餉秦山遠大業通津汴水長棄窖  
三千關百二繡衣心事小朱航

轉敗心紆掩渡遲西來爭颭永通旗三城潰壘難爲守諸  
將投戈遂不支修武軍符縱韓信

徐世勣  
在黎陽

太行北阻連東略鹿走中原未可知

單雄信擁兵  
降王世充

劍門重鎮

關中滿眼漢唐陵宋置祠官曉見星夾馬東西騰王氣臥  
龍風雨拱神靈貞符主器兼京尹家法垂簾肅內廷水碧  
如羅山萬笏不教留地種冬青

### 金墉城四首

永昌宮路草萋萋回首華林失故棲金屑早從楊武悼玉  
潢不沸漢征西懿親定論淆倫穎禁近稱兵自楚齊惆悵

廣成君不出望塵花縣鳥空啼

晉惠  
蒙塵

蒲阪窮追氣壯哉威凌襄國震三臺軍懸十萬馮爭渡竭  
灌千金對舉杯免罪徐光饒勝算較能魏武豈信才白眉

赤馬工穿鐵不射中山石虎來

劉曜圍  
石生

江陵北上桓宣武空望神州歎陸沈王猛不官終予敵姚  
襄雖敗未成擒峻陽奉禮園祠冷太極屯兵殿址深作賊  
匆匆棄關洛老奴心是寄奴心

桓溫  
退兵

巧度方山黑石濱東都咫尺隔烟塵燄消米賊馴猫鼠魄  
奪周公役鬼神數十連城孤賭注生平得士更何人一身  
兩敗爭偷息莫向伊州再問津

李密  
竊據

洛陽城東園亭曰小滄浪在承恩寺內

漢津東出滄浪水清淑誰移到此間從古花爭開洛下自  
來僧許占名山高臺貝葉唐殘寺夾路槐花漢八關園苑  
紛拏遊不了祇無白傅七年閒

洛陽

陶唐以往冀方居安毫而南轉地樞萬古圖書出河洛百  
家詞賦首京都中天圭墨開王會閏運金墉衍霸圖容易  
興亡漳汴水紛紛去路總崎嶇

新安四首

怨毒當年始杜郵殺機留與贈維州卽看就死無中變未  
必前行有異謀陰禍忍同諸將種人心都付漢皇收英靈  
夜過終南泣不分章王久廢邱項羽坑兵

樓船迅下石門灘乘勝雄風萬里還臣悔起家馮澗水人

疑度地爲荆山何須中徙稱豪傑似此傾貲亦等閒東洛

南陽爭應運不辭辛苦預移關楊僕移關

埽鄴先操入室戈東宮高力聚徒多滌腸灰想盈三斛破

斧人施累丈柯旋見班師驕弋仲幾能移禍死王波鳴鉦

百里精兵起悼武天王曳落河梁犢敗李農

魏氛浸逼上春門戰鼓東都日日聞咄嗟未通原北款芳

華空駐苑前軍全師且去新增戍卷甲重來定策勳錯認

鴻溝從此畫何曾天下許平分唐太宗回兵置郡

澠池三首

陰地稍分河嶽偏昔賢英氣結風烟祇知主辱臣應死漫

道王尊士可前鼓缶定教聲和瑟娛賓莫放醉同天一從  
病篤撓軍府頗牧蹉跎四十年藺相如從會

白水星輝列宿間乘時龍鳳各爭攀桑榆獲濟原非晚杖

策先生且未閒設伏險驅人盡賊受降憑解甲齊山將軍

大樹全無恙一路陰陰直到關馮異破赤眉

羯部單于俛廢興懸師深入潰相仍驚金谷夜難堅壁墮

石渠深巧藉冰敵卻前師八特阪天褫狂魄二王陵英雄

末路多醇酒數斗沙場恐不勝劉曜退兵

### 峽石

南北陵分古二嶠淒涼風雨溼征袍秦師襲遠謀人老漢  
將成功戰骨高大路回谿紆號略改塗藁冊背成臯中興

三吏驅民苦收淚新安慟石壕

### 陝州三首

百戰司空氣益振兩城中扼大河濱東京忍見成清野北

道偏教怒聖人神策老師疆子阪花門浮馬大陽津鹿櫓

天不殲遺孽或恐重蒙幸蜀塵衛伯玉距史朝義

早急幽燕並朔方宰干無暇指懷相和親隱忍毗伽汗討

賊從容奉節王更替諸州降節度保全三葉拜平章腹心

譚笑無河北何論邊防逼鳳翔僕固懷恩收河北

西蕃寇入便橋深倉卒開門散羽林急詔烽烟愁華虢老

謀號召出商金相尋宦者無涯禍未服書生寸斬心再壞

朝廷真不可一攀車駕欲霑襟唐代宗東幸

靈寶四首

鎬京棄後界東門爭入關中此要津周失圖存連五國漢  
先得計定三秦生歸雞狗皆嘉客事去英雄學婦人封卻  
丸泥建瓴水畫圖形勢古來真

宏農避位益紛撓露宿頻貽萬乘勞道急儲胥爭得隴水  
羞賊姓不稱曹共和兵柄歸周虢雜霸權謀競偃毛日月  
在天忠奕世墓間相望隔河高

無事三堂狎酒尊鄂華爭不庇王孫天多亂命喧陳寶帝  
悔初心詔改元已阻長驅思北轍誰教予間潰西原延秋  
城上烏棲遍中使頻來噪啟門

野牧桃林去路長人家三五聚稠桑盤殮見饋今亭長文  
字傷心古戰場死誓抱山羞晚嫁老更多難劇思鄉流沙  
入度歸來急宰樹青青待伯陽

閩鄉三首

英明骨月老難全背闕稱兵世不憐祇有王孫甘共命翻  
教幼子得乘權薶桐地下沈冤日僵柳山頭齧字年君父  
從來無不是誰爲鑄錯到重泉

漢兵太子冢

太傅儲才容拓戟司空決計詔橫戈童謠拜命原非格風  
利成功未足多幸免爭衡收鄧艾何妨避道悔廉頗諸君  
束手籌劉石試起龍驤喚渡河

晉王濬墓

攘袂篙梢洛水涯軍門三策判龍蛇錦帆過卽迷歸路金  
斧揮無不破家坐敝宏農圍智積長驅關輔失孫華何曾

成事如毛盜一擊爭從博浪沙西原楊元感被擒處

渭南

南望長安此去程茫茫古意感今情華原磬省伶人擊左  
輔牆空苑馬聲野水幾家流楚漢涼風一夜過華清無聊  
萬里橋邊酒略聽怱怱唱渭城

新豐二首

漢祖娛親不欲東故鄉景物綴新豐邑中雞犬三秦賸臺  
上風雲萬里通原廟衣冠清渭水家人杯酒未央宮何曾  
廣武原頭語肯道吾翁卽若翁漢高祖  
詔幸新宮繡嶺隈馬三萬匹盡龍媒拂天遠近旌旗滿照  
夜傳呼殿閣開碧葬最憐羅鳳役白衣空薦仲通才老翁

八十孫扶坐天寶年間折臂來唐元宗

灞橋

付望車塵細碾痕萋萋芳草送王孫爭教遠夢和橋斷不  
道長流似酒渾驢背得詩全入畫柳絲經雨最消魂浮生  
何日無離別許出青門勝玉門

細柳營二首

渭渠層水柳蕭疎如繪當年按轡圖驚見乘輿成遇禮險  
教天子奪軍符高皇法不侯王信許負心先死亞夫一令  
馳驅真絕跡至今無雨滿青蕪

持重君侯掩壁門相才將略至今存君王曾歎將軍貴父  
子同推獄吏尊接壤女媧承御宿看人兒戲拜新恩早於

地上寬三死只恐心從地下論

### 咸陽四首

嬴秦迅埽六王還不世雄心土木間傾地寫材歸北阪象  
天絕漢抵南山十旬火與書同燼五丈旗招敵敬關可惜  
拋將巡幸久美人鐘鼓半成閒阿房宮

紫宮密邇華山畿一種依人事已非梧竹陰遮蒲幾節魚  
羊劫變鳳雙飛棋枰暫覆長安局兵氣遙連鄴下圍揮手  
錦袍煩更訊昭陽阿姊究何歸西燕

武皇驚遠急征鑣弓箭行人各在腰瀕洞風塵送車馬較  
量男女哭雲霄陰天自古愁青海隔水當年語便橋諸將  
臨邊同苦樂封侯休羨霍嫖姚咸陽橋

灑血陳陶漲欲流不流四萬義軍愁苻融乘勝臨淝水陶  
侃先期次石頭墨氣踰年九節度星關連夜五諸侯朝班  
一散庭蘭曲稷契何人爲國謀陳陶斜

### 乾州二首

抔土乾陵矚郭低佳兒佳婦不同棲幾危儲位投青雀全  
盛邦家索牝雞更上千盤登隴首平連五峙屹京西玉衣  
石馬勞相望金粟堆邊鳥又啼  
方士無端請築城歷朝家法慣西行山前日月難留影帳  
外蕪菁盡作羹短笏風霜段太尉逾年鐘簋李西平軍容  
白刃操何急一出延秋萬乘輕

### 唐武后陵二首



造改廿字  
或一說着

十三字義不難徵華表誰摹一畫憎水德厭唐淪廟祏人  
心繫帝在房陵八年本紀援遷史片檄遺才歎駱丞斲冢  
英公邀曲庇烏金欲鑄已無馮  
白馬金輪梵力微漫誣風雨助明威苗非種者勸應去瓜  
熟臺前摘使稀暫假鶴糧難久控夢推鸚翼罷高飛夜深  
好時淒涼月長照佳城二聖歸

邠州二首

中唐節度判邠甯西寇招邀警上京早拜令公回紇帳翻  
虞宿將朔方兵長驅忽阻師堅壁徙鎮偏遲滯四更萬里  
邊防秘肺腑鳳翔以上是新平  
酒翁安堵甲無譁持滿何煩加尙父鋒先摧假子赤

編地上信

骨日樓枕

白不多僅

乙今春收

珍名二字後

竟通我費

半醉信然

不似信空候

至至評定

心名久擅朱邪急援莎鎮三千騎驚噪梨園一隊鴉夜夜  
焚香宮禁肅餅師生女漫羞花

鎮原三首

四圍形勢漆汧枸聚米山川指畫真東北雍涼通絕塞西  
南隴蜀障全秦大軍置酒從來歛諸將臨城服寇恂車駕  
不勞頻進討嚴關第一付何人

冠世英姿屬掌兵半生勲業最高平起家異日涇原鎮定  
算殘軍水洛城稚走關中鰲鸞子泥塗井底廢蛙聲何須  
事後愁青雀一拜征西獺穴成

長川好水碧溶溶廿萬全師所部從置伏豈知翻陷伏犯  
鋒無那失先鋒精兵鮑老旗摩陣詭道銀泥盒啟封節制

偶違馳救緩有人衣帶愧從容

西鞏驛題壁

十年清節凜高秋未屆投荒早白頭行役自來悲隴阪填  
詞生性犯涼州涇渠徹底終難免弱水無聲祇自流搔首  
關山今夜月那堪老母正登樓

河橋六首

導河積石過湟洮萬古川涂此一橋星宿驚迴天上水滄  
溟遠截海門潮中原鎖鑰無空闊三輔雲山欲動搖二十  
四舟排雁齒參差相映女牆標

絕塞奔流逼賀蘭不教容易繞秦關朔庭冷入河南些西  
海青連隴右山萬馬騰聲嘶晝永長虹拋影臥秋彎雲梯  
側下江淮合久立靈查當我還

造舟經始溯秦昭大將西征轉運勞水落杠梁成夏正師  
行衽席肅秋豪金城形勢懸厓最鐵柱勲名出塞高節使  
臨河卻方物馬肥苜蓿酒蒲萄

客愁凭檻付涼澌邊氣河聲拍酒卮萬井人家歸市晚中  
流霽色度秋遲樓臺十丈開初地風雨重陽又一時飽我  
少年題柱筆百川頭上欲刊碑

險中得快寸心傾水伯夸河顧友生噓潤龍門左馮翊黃大

令駢調任大荔

揚清鶉首古高平

楊刺史芳燦權平涼太守

指揮遠勢歸圖書

噴薄洪流洗甲兵唾落浮圖十三級雲霄千古是交情

躡冰縫革事難同我獨茫茫朔所從津逮北門遵

帝極路通西域盡王封竟天略許波瀾定鑿空難尋去住  
蹤一別天橋頭白早邀君何日更朝宗

留別黃大葯林駢三首

上古高梧嶺外栽飄空一葉帶秋來長河東下客西去疎  
雨易晴花更開遊釣關心洪澤水風沙分手赫連臺天涯  
席研同三月四絕洋州未易才

隨身方罫鏡新磨閉置車箱細馬馱君嗜奕邱蔣二君日從之戲何事

干卿爭劫急一生容我向邊多敲燈上下簷牙影落子分  
明屐齒窠蔣徑不開邱錦盡愁凭空局自抄摩

長慶新編昨校成暮雲圖畫餞孤征年華半百儂同健客  
况三秋水樣清翰墨羈棲鍾大理關山迢遞沈初明朋箋

樂府河梁什馬角烏頭萬古情

平番旅次次葯林蓉裳口占枉寄韻奉畬

豐貂華屋護窓寒獨客天西老抱鞍紅柳枝疎經幾折墨  
梅花好不同看諸羹荒海澆真一芋火空山對懶殘但祝  
張槎東下穩白頭歸許罄交歡

別酒天風吹未寒飲醇添醉兀征鞍攜來越雪霏微吐脫  
贈吳鈞仔細看射虎窮邊驚歲晚騎驢逆旅趁杯殘河山  
尺幅秋三月留取丹青照古歡

又寄葯林二首時方調任大荔

隴西官路上青霄鄉語依依聽隔橋春早定騎沙苑馬天  
寒馮射雪山雕蔡侯月夜同前席蘭州蔡觀察廷衡太祝街西屢

見招

平涼張丞森

心與長河兩無盡并刀剪取付生綃

愛鳴秦缶和鳴鳴計過燉煌歲欲徂乞食涼州炊白麥思

親灘水繞蒼梧雄心短劍張鷟九霸業殘山利鹿孤臨別

贈言忘不了此行緘口是良圖

### 涼州六首

漢家封域展河西四郡涼州地不齊

敦煌酒泉張掖武威

直上星辰

尋柱倚最高樓郭接天梯蒲桃刺史連窮髮水草姑臧牧

萬蹄

武威郡治姑臧為今涼州

畢竟樹機能發難紛紛雲擾到羌氏

安豐遺尙矢忠勤板蕩偏高翼戴勲報國西平靡失節傳

家中葉尙能軍長都被隰猗儺長艾未盈要拉雜焚天意

不憐王校尉降王江左更無聞

前涼張軌都姑臧

偏師十萬玉門過先事平陽慮反戈長史忠饒收北海將

軍威獨制三河窮兵暫捨彭奚念成亂剛留魏益多嶺隔

洮湟甘子敵知無珍錯壓明駝

後涼呂光都姑臧

主更十二割秦邊武穆遺規近百年福地鳩摩羅什定留

都禿髮僞檀遷涼風門啟填車騎宣政堂深汎管絃熒惑

西躔天奪魄貿羊三萬馬三千

南涼禿髮僞檀自樂都徙姑臧

救石驢山卷旆斜受降入據總河沙助封西海頭為國兵

力捫天嶺一家倔強多於夏統萬支持直到宋元嘉偏從

伺釁三隣後白額駒瘖伐李花

北涼沮渠蒙遜自張掖徙姑臧

水磨人家畫不如歛塵微雪樹蕭疎空推司馬爭隋鹿計

卻求鷹賜漢書弭亂五城方略早防邊萬里驛程虛從頭

一部西涼戲假面燈前次第除

甘州四首

異同禹貢腐儒囂

黑水流沙從來聚訟

畜牧祁連戰氣豪沙壘月氏

河界黑山城日勒雪封高人何可負慵誅呂石且能言大

討曹我按輿圖弔偏霸關中委敵過將牢

謂劉裕

起盧水上急同盟神璽書生巧借名旋取莫孩降主成忘

哀二父賊男成稱藩盡解交河甲撤壘長驅五澗兵老捧

冊書雄顧盼山連崑嶺郡西平

機變經營卅載餘盛衰成數卜沮渠騰蛇申合天行警換

馬辛深陳法疎銀穀固求秦虜贖腹心驚報晉昌虛周親

無諱僧無識肯信東門老父書

百泉隨地匯漣淪高接天河洗戰塵訖命春秋十六國歸

朝文武五千人萬年乘間同焦朗一旅稱王似李恂昏媾

再求終席卷梟謀從古是和親

塞外二首

王母瑤池宴未終不教祠祀久回中黑河至竟東南小紫

塞無非西北風被放三年難進鶴號寒四紀可憐蟲炎天

朔雪雙蓬鬢未卜蹉跎效小忠

子舍官衙想像間霜戈未荷髮先斑停雲夢好廻青海

蔡觀

察時在西甯出塞心孤抱黑山蒲類澤荒惟有雪柳中城遠不

當關勒銘恰待鑱天手知有穹碑滿百蠻

玉門留贈姜明府

玉華

第一嚴城出塞過春風不度柳婆娑水寒脂漆光難蝕山  
靜金銀氣較多邑界稍分唐四鎮關門遠直古交河姜侯  
設膾天風起蕭瑟歡娛兩奈何

### 安西

唐代安西富銳驍援兵廿萬渡河橋辟疆貞觀侯君集歸  
命大中張義潮醉擁監軍假獅吼功成都護玉驄驕花門  
積雪春消盡無際天山拱

聖朝

### 哈密古伊吾盧地

西域開疆寶氏先銘勲底事讓燕然敦煌太守頻籌策定  
遠佳兒再出邊亟為分兵置司馬不須懲敗罷屯田何曾

怕按伊州調自廢徵歌已七年

金在粵自送老母東歸衙齋盡廢絲竹

伊犁領隊松大司農園中哈密瓜一蒂雙生名之

曰連理瓜適聞蜀中勦賊捷音成詩誌喜因以

### 屬和疊韻六首

伊吾大磧擁鳴沙從古州名擅產瓜

哈密本塞外沙磧古屬瓜州漢曰伊吾

取效詎同魚障穀徵奇闕載鳳林花蔓延屬國疑唐契

劉宋

時唐契封伊吾王附於柔然

種界交河想麩嘉

麩嘉為高昌王即今吐魯番地產瓜最美

遠官齋結連理愧難數典質方家

欣聞餘孽化蟲沙款罪都還前盜瓜歸馬逸辭瞿峽石洗

兵濕重錦城花鏡鳴漢樂登新製斧破幽風詠孔嘉

醲化雪山遮不斷防兵西極久攜家

擗管風生鳥篆沙雕鏤不似暑庭瓜元龜寶鑑刪陳瑞老  
鐵精心偶賦花墨但留痕關

國是文堪行遠惠師嘉分嘗遍受王明福生佛慈雲萬萬  
家

聽唱墻東穆鉢沙老臣心跡契茶瓜公與宜制軍數晨  
夕得瓜卽以爲餉譚

深慣照華星影坐久看交畫燭花

宵旰擬紆魚沸慮今年永定河溢殊厲  
制軍以在遠未克分憂常深焦灼公忠

互拜鹿鳴嘉相於澹泊聊因物

國爾忘家總一家

當年勾漏訪丹沙竊祿卑官再及瓜復嶺半天攢石筍匯

流三月滾江花迎關甲庫開孫河下瀨樓船急呂嘉漫倚

從戎雙鬢白謬稱辛苦報

天家

圖繪精嚴妙畫沙金盤豈屑古人瓜浮來冷澗雙瓶水供

處虛陪接葉花繪瓜者旁寫  
菊花一枝行樂敬恭留草木旋軍典禮

洽賓嘉太平將相無封事收拾遺材貢

帝家

奉贈有觀察受

當年畿輔奠耕桑

天語親承出尙方禹貢成勞從大陸漢家底績重宣房陞

銜亟下中書省

御墨濃霑午夜章更鍊丹誠冰雪窖燈前流涕說

先皇

暑雨

宵衣倚上蘭十行

詔急古桑乾

朝官負屬金隄石節相憂深熱海寒

熱海在伊麗水側見唐書永淳元年焚

禱天行邀祝最支持

國事得人難一封絕塞登賢表中外蒼生拭眼看

景卿窮荒省見稀陋慚醜茂澁劉幾千秋論定援青史片

語知深感白衣迂策自慙前箸借壯猷端稱擁騶歸

新恩汪濊潛鱗穴雷雨龍門次第飛

壬戌二月奉送伊犁將軍遠峰公相還朝六首

黃封一騎出安西傳箭橐弓遍狄鞬勛鎮箕裘折音德辰

精忠堂構木華黎

公先尚書納木札爾領兵平葉爾羌死

璇題畫閣烟雲濕

公以戰功繪像紫光閣上闡今天山日

月低不是達尊兼將相幾人諸葛大名齊

領袖周廬直御鑿英風綺歲早登壇總戎吳蜀麾諸將獨

坐公孤別散官北落羽林環四五西蕃毳幕駐三單久空

胸臆銷金甲姓字偏驚塞膽寒

荒基彷彿貳師屯西域從誰仔細論取信諸羌皆赤子闕

疑十姓定烏孫

唐書永淳元年西突厥十姓反安西都護

宛東北可二千里漢書烏孫西與大宛相接

九城屹踞濛

池勝

今伊犁有惠遠綏定惠甯霍爾果斯固爾札塔爾奇



然雄勝焉唐書顯慶二年蘇定方為伊麗道行軍總管討西突厥沙鉢羅執之分其地置濛池崑陵二都護府  
分水清醞熱海渾惠遠城南二百里為特可斯之河最寬舟可渡公分醞一渠至城下以濟漕運  
作廟規模司市法如今沙漠總中原公建置祠廟設立官當官舖歲入贏餘以

裕旗營生計

忠勤再見李思摩矍鑠羣看馬伏波衮烏衣披一品重天  
人骨抱九仙多斬絲雄斷休言觸穿鐵精心未可磨聞道  
潢池厯宵旰玉珂不想想瑯戈年來秦蜀戎機未釋公常思請赴行間

虛左中書政事堂

新恩首揆昇元良知深李令心如日眷篤裴公鬢有霜蕃  
漢無分大總管起居爭問老平章東雲痛灑攀髯淚夢繞  
山陵謁

上皇

大旗高卓馬嘶風几几難攀周上公略分父兄呼僕射銜  
恩將領晉元戎營屯沙鉢羅牙後亭苑勾龍爽畫中不信  
台星朝北極少微長傍上垣宮

送坦懷制軍奉命入關

赤烏東歸溯我公卓然見古大臣風

龍飛應運門楣舊虎拜分圻檠戟崇告夜無慚趙清獻立  
朝深鄙魏元忠天恢盛世匡

王略節制秦中總蜀中

潢池聞道起微氛預檄偏師結陣雲營衛星原環上宰戰  
功山恰表將軍毳帷力疾晨宣令甲士傳餐夜錄勲

詔許忠宣親上策朝陽鳴鳳海天聞

朔漠恩威載道稱轉輪西極碾元冰養生形氣神為守慤

老公忠操更勝泣下

天王戴明聖思深魂夢繞

山陵河關迢遞遲消息討賊難忘日拊膺

丹鳳銜書出

帝邦鯉庭欣舞笏雙雙門間更見高東海風度從教憶曲

江趨觀明光連書接會逢干羽七旬降時秦蜀連冠將次蕩平幾曾

衛唐李魏宋韓贊皇忠獻論功定任憩平泉臥石淙

移根小草偃窮邊枉過高軒日梓榭午院深譚涑水鑑秋

齋謬掌玉溪箋荷原心跡能要久許獻迂疎再歷年寄謝

九霄三相國

韓城富陽兩師相遠峰公中堂

鰈生依舊硯為田

我

皇前席待經時賚粥於今信未遲三十六曹羅結長一千

年事老彭知續紛樞極輝南斗丰采

朝堂動四夷更紀元臣新事業天山磨不毅刊碑

送裘三靜齋

陽人

安入關取道

京師赴闕

心香瓣熟吐心花殷殷

上聲

驚聞載道車才子自來推鄴下

英年何不詣京華貧同風味甘舖粥清稱園林合煮茶坐

我緣慳放君去七旬形影客中家

歲久幽宮寄佛乘先人遺恨嶺雲層

君時赴闕覓迎祖母厝櫬

孝門豈

有難歸骨天意應留不死僧攀樹失棲封隴鳥開龕重剔

返魂燈等親石滌堪同傳

國初劉孝子事見曝書亭集

手勒豐碑我尙

能

名勝仙鄉幾日留郵籤依舊數從頭故關雨滑宜調馬下水橋多緩放舟括地東南馮大海懷人西北有高樓匆匆縛袴全拋却節署池塘五月秋

非因戀別屬加餐誓祝空王締古歡舍命人方拚出塞還山眼儘看爲官此行努力青雲遠重到傷神舊雨寒頭白交遊漫海嶽望塵心折似君難

伊犁將軍署內芙蓉盛開同景菴武衛那彥瞻看花

得詩四首卽以留別

洗眼三年看白紅暢於邊徼沐薰風根深戟署園池裏氣

得冰天節候中爲我輩留觴詠地禁司花放水雲空從頭

樂府新翻曲或恐于闐采處同

今葉爾羌芙蓉最盛樂府于闐采花或卽是歟

客裏情懷故故違箇中標格衆中稀閒尋菡萏參差見靜

數蜻蜓下上飛隔岸輕舟停畫槳當筵淥水濕羅衣宦遊

領取清風滿更袖香清塞外歸

猶記冬寒雪覆低花奴三月啟春泥亭亭卻立全非冷葉

葉相當也不齊肯爲地偏依草木莫因開晚怨東西

東西二池

東池較盛多君會得臨池意頭白鴛鴦許竝棲

朝爽軒軒雅服膺不隨衆愛幾人能道珍味恰堪要久君

子交原最上乘湖艇虛陪二分月瀛臺長對九枝燈相門

作相光青史

借用李義山句君爲阿文成公相長孫

淘水毋忘共飲冰

次韻汪明府仰亭楷廷見送歸里之作奉畬二首

遠性風疎見一斑清才第一稱江山三千舊牘淪人海尺

五新刀劇柱鐵彌信南來多軟脚君方苦足疾莫傷秋別老豐

顏黃塵跣跋何須羨

天語重申踵入關

嶺隔梅花舊雨寒天涯今又墜春歡元稹道氣終輸白趙

德經師足代韓君代繆申浦太守為義學師詩格老須經塞外閒身歸

恰稱江干遲君更賭張旗鼓鬚斷愁無一字安

原作 丹徒汪廷楷仰亭

天涯同悵鬢毛斑休向他鄉話故山我正輕裝隨甲帳

君方長鋏唱刀鏗來依蓮幕叨殊睎書城抵伊犁三載均在將軍幕中

歸侍萱幃看霽顏最是新秋行路好馬蹄飛入玉門關

欲期後會他時約快著先鞭衆意歡此去知人爭說項

當年遲我未瞻韓高懷自得江山助彩筆真將氣象干

寄語親朋如問訊塞垣棲跡幸平安

疊韻酬陳三沁齋寅

酒痕墨瀋滿衣斑對熱腸人對雪山宦蹟一江紆曲尺君官

英德濱粵北江余官蒼梧濱粵西江詩才百結解連環譚清大有風生掌養

邃何煩藥駐顏許我搖鞭導先路入關翻枉疊陽關

膾炙雞林歎大觀鐵衣兩載奉清歡咄嗟碎踏同俄設唐時

西突厥名統十姓後分為二以伊列水為界豪橫平吞破陸韓破六韓拔陵擾魏六鎮高歡平

之敷蔭棠方周蜀道長君宦蜀中新署江津令老材檀偶寘河干歸來

亟訪應劉輩母任離情耿建安

原作

海甯陳寅亦山

秋風紅葉色爛斑去思江陽江上山獨掣鷹絛金絡索  
同穿蟻曲寶珠環歸裝檢點詩清骨客路逢迎酒破顏  
高義贖緩東道主爭拊笑眼望陽關謂蔡廉訪費司馬  
粵西咫尺懷高致塞外何緣契古歡曠代文章儕屈宋  
生平學術鄙申韓三年戍遠悲彈鋏萬里途平正舞干  
遙計征程應善飯白雲歸夢一心安

度隴遇雪奉呈湘浦將軍

想入關來雪較稀山高迎路訝霏霏接羅悔不為銅具  
駟都教學鐵衣中夜乍傳風裏信一冬頻向夢邊飛谷量

歸騎捎雞鹿絕塞將軍夜打圍

牲炙餘閒列校圍形鹽階砌手添肥

署內軍校戲堆雪獅  
間遇晴暖消瘦將軍

手捧積雪肥之北堂邀悉思兒慟東轍恩教餞歲歸風雪馬頭侵

絮薄音書雁足與人稀役車呵凍千山頂又放親門个月  
違

途次陝州耿晴江刺史留憩衙齋譚謙兼旬瀕行

賦謝四首

瘴海氷天劇往回廿年懷抱見君開綢繆車笠原根性感

慨音塵祇費才酒到三堂深處熱州內署額曰三堂  
用唐岐薛二王事人從

萬死窟中來健工飲啖狂驚座老犢於今心尙孩

雄州登覽曠吟魂風雪休欺望眼昏連嶽亘天分兩戒大

河穿穴下三門都京勢扼關城繞風似陵多地脈尊

風陵州西

境夏后阜陵州東境

自古峭函推險絕全憑守土障中原

公忠隨事矢心長奚止循聲冠大梁賣劍風纔馴渤海燒

薪

詔急下宣房佳兒首築金隄固

次君別駕委挑衡工引河

屬吏頻嚴鐵

嶺防

時屬邑盧氏又添防兵

蚤夜論兵寄圖說難禁官閣鬢如霜

雪天張讌麥抽芽民氣歡騰此會嘉惜別怕看分陝石

州署

西院瀕河瘦石丈許相傳為周召分陝石

陶情肯殫一川花丙丁卜夜侵春曉

甲子開年茂歲華更不江鄉問田舍知君許

國久忘家

七言排律

恩門

出入恩門二十年常於眾裏指鳶肩少時資性難羈馬過  
眼光陰下瀨船一姓廢興輪小劫羣生起滅疾於弦赭龕  
互出更朝夕毅豹均亡畧後先南郭濠深三板急西階石  
冷一輪圓清娛兒女閒垂釣醉飽金繒賭意錢列第聲鐘  
催短夢他人入室散華筵歧塗親戚愁看送遷客飄零不  
受憐依渚但憑人學雁買舟無那水如天鯉連隄外層湖  
雨綠重樓頭萬瓦烟已悵苔門閉朱草還悲燈幕散紅蓮  
總帷夜永奔虛位葛屨霜寒走舊阡不分黃童空老大每  
逢荆寶輒淒然高明瞰鬼真堪畏旌版交心不任鑄為禮  
山邱想華屋無論滄海變桑田情懷似酒難禁瀉持底相

酬到九泉

同高綺塘練塘兄弟遊鷺峰寺

一行雁影接清江。十載萍蹤慣越鄉。到處登臨都做儻。此  
間村郭遠蒼茫。蓮花不覺經時謝。蒲葉都於八月荒。面水  
尚餘空圃在。迴舟無復板橋長。乍收白雨添秋色。洗出青  
山送晚涼。略引壺觴調茗粥。先拋巾帶在僧房。鼓鐘法戒  
何方佛。稻蟹鄉民幾處莊。瓜蔓離襪尋舊井。竹籬蕭瑟下  
微霜。故山何日逃塵網。小築臨谿一草堂。不分林泉讓猿  
鶴。況堪詩酒到羲皇。閱人雲覆翻爲雨。感物蘭衰菊有芳。  
似我似君苦行役。江南江北賸空囊。頗疑愁病非無種。却  
笑蜉蝣爲底忙。老杜但知詩有律。次公莫訝醒而狂。歸塗  
趁好邀明月。洗腳頻須臥對牀。

夏大琴仙

蘭森

過留飲補事草堂述懷

半世蒼涼意欲消。索居塵坐更無聊。何妨野客嗤被褐。未  
到春婆慨負瓢。駿馬服車須賸骨。橐駝腫背或言妖。蓬心  
更上還能直。宣髮從來最易凋。薊北冰霜空劍匣。江南風  
雨又僧寮。那堪萬事浮雲幻。更我三年落葉飄。到處孤飛  
如斷雁。有時噤口似秋螭。未謀田舍娛親老。苦歷烟波涉  
路迢。少日低回情冉冉。舊家門巷語蕭蕭。故人幾輩難長  
視。吾道惟君耐久要。最敏文章多散佚。豈踈記憶各殷遙。  
勝遊滁水鷓雙樹。送客黃河柳萬條。海國九秋孤棹月。金  
陵一夜大江潮。望風老杜常思李。過嶺東坡欲和陶。屢盼

行吟當過我。却緣多故苦難招。地饑天漏賒窮盡。海立雲垂凍寂寥。今夕劍吹纜一吷。嚴冬饌設豈須饒。丁年附影蛩將壓。辛味交胸桂與椒。裴廸詩成多輞水。鄭虔有酒卽春宵。淋漓好盡尊前興。魂壘同君次第洩。

夢黎閣書懷

從無生產問崔暹。但有閒房慰謝瞻。瓶臥井眉知竈冷。門稀履齒怕苔黏。桑榆老大空庭得。村郭風光一院兼。蘭葉重於叢處剪。竹根疎要刷來添。空明窓戶全邀爽。收拾鶯花偶不廉。無那近遊驅束皙。未容寄傲學陶潛。呂洪痛僕驅歸蹇。江寺殘僧送病疴。湖泖展裙剛雪溼。牖河行李又霜霑。一千年結山中實。二十回圓海上蟾。生並甲辰雌可

笑日逢戊己燕猶嫌

歸自京師受室草草成禮

市中錢藉君平卜。無下

眉低德曜簾。乞姓阿崔三歲天。卻黎兒遜未期殲。白頭不逮吟溝水。赤手頻賒倒藥奩。重畫無人乞南斗。仄輪容易下西崦。悽留弄物憑開篋。誓絕新人比織縑。金悼亡誓不再娶每感升沈追往事。恍如身世歷華嚴。中年哀樂行如此。人世功名亦未占。已辦長齋飯佛乘。頗能高況到羲炎。餘生訪舊多黃土。一飽閒情付黑甜。閣畔十松長楚楚。階前寸草綠纖纖。悲哀緒觸停歌薤。慷慨聲多厭唱鹽。廬暮漸荒門戶冷。不堪攬鏡賸鬢髯。



經遺堂全集卷之十七

七言絕句詩

江都韋佩金西山

紅橋春望

方生湖水掉湖舟湖上春晴敞畫樓誰道風來能似剪人  
間不斷有春愁  
護春心事閉窗紗省夢闌珊隔柳花咫尺紅橋足惆悵綠  
陰深裏是天涯

送王二竹癯士歸梅涇

渡頭風便行人去紉軫難消此夜中同是雨聲聽不得一  
眠孤館一疎篷

青溪

至深至淺青溪水先我何人溪畔行第一莫流朱雀板江  
關長別庾蘭成

絕代佳人棄水濱淒涼璧月照臨春尋芳誤踏長橋板當  
日桃根本姓陳

活碧君家縱棹園白魚紫蟹不論錢時寶應喬秀才寓溪上畫船爭

占清冷水拋盡江南下則田

午日同劉四雪塘錦洪大疏谷建高四練塘紱過

秋雨菴訪石橋上人相遇

長日詩魂遣未消孤篷閒趁水迢迢夕陽多處無歌管紅

板西城第二橋

未傍長隄繫晚晴如絲風柳散蟬聲女牆一帶空潮打蘆

葉蕭蕭舊楚城

竹石僧家暮色幽閒亭欲去小勾留漫天涼味疑過雨一

種江南五月秋

久不得王二竹癯消息寫憶三首

天鍾淑氣宵清孤物色山川絕代殊不有王郎冰玉質人

間何必著西湖

松柏西冷路忽分迷離踪跡兩峰雲風前一例盤了如踏

遍青青蘇小墳竹癯西湖本事俞六玉鉉為作傳奇

年來消息寂無聞何處高真寄此身招手白雲歸去也應

無心逐海中塵

憶遊

秋聲入拍最淒涼  
幽境城隅却耐經  
衰柳斷蟬三尺水  
小紅橋外是西泠

掃垢山低野徑長  
西風蘆葉水荒荒  
搖歸秋雨菴中夢  
一舸南來借夕涼

借夕涼船名

竹橋西去寺門偏  
頓頓僧叅玉版禪  
九月湖光易蕭瑟  
亂飛黃葉打魚天

丙舍丁谿夾子城  
園林一曲水兜成  
藥田風日荷田雨  
我欲歸來取次耕

都門歸思

秋衣涼褪軟塵紅  
通路河長喜順風  
射虎南山心力倦  
歸來穩把竹枝弓

先墓蜀岡東盡處  
全盤岡勢運河灣  
地師歲歲勞車馬  
卜

遍松篁席帽山

木蘭院圯壁紗昏  
鬪鴨池荒野水渾  
三世敝廬兩相望  
梅根井竈古風存

城河南北不通潮  
宵市齊填城外橋  
飯稻人家香淥水  
愛分荷葉插魚標

老屋謝家剛面水  
水蒹花底數游魚  
兒時學釣開心孔  
便抵城南坐讀書

水滸長塘土半村  
假山攢樹綠苔盆  
聰明但恐天公妬  
老不司花雨閉門

僧清底足鬪韓豪  
驥斂霜蹄鶴整毛  
纔罷長吟舒望眼  
草

荊州

名水蒹

杜風氣

堂不讓郡樓高

湖山選勝薦馨香  
草草三賢祀一堂  
窮薄歸來豎詩骨  
低頭不分拜漁洋

白門董大一淇增教過江見訪載酒平山堂  
話舊卽

送其遊浙

董醇曾下十年帷  
繁露書成足奧思  
大漢江都有賢相  
并華清處拜家祠

記我單衫作客時  
清淮月照影支離  
城隅一帶梭車響  
恥繡平原不買絲

蜀岡漫道非專鎮  
撐拄江淮未合并  
山色有無看不定  
多君肯借隔江青

山接清涼翠繞樓  
丈夫冠笏聳高秋  
西湖短氣同西子  
佳麗原來屬下游

桃花菴題宣上人畫山水

短篷推過綠楊灣  
水木僧房盡日間  
許我桃花菴裏住  
秋清不愛畫中山

潑墨淋漓雨滿天  
毛錐作楫硯爲船  
皈依祇有湖山好  
笑倒前人末路禪

讀南史

秦女更衣納諫忠  
勞人細布嶺南筒  
初甯陵上藏耕具  
何不分留大子宮

官家列肆一舟輕  
老將門關夜引兵  
忘道短垣踰不得  
多

了不覺

統領

將為兵見小  
大忘  
不煩表注

十年磨  
劍氣  
星王有恩

防是瘋忘  
傅少事

張善性

卿萬里作長城  
出入東陽善始興  
含章陰事識奴情  
玉人繞壁聽鸚鵡  
定不安劉是此聲

無計裁兒燭嚮晨  
朱衣戎服畫車輪  
五洲山畔東堂耗  
論定蕭斌一婦人

公主山陰比淑儀  
雉圍風雨恰關時  
含辛淚與崑崙杖  
爭碎龍山一字碑

鬼幽屍氣夢陰陰  
裸逐華林捕竹林  
青溪車出巷驚  
心不及夜堂深

功德湘東故第多  
賣兒貼婦慘如何  
廬江持節驢王死  
遺恨新亭杜黑騾

八百南陽漫計鮑  
死生雅謔忘休仁  
龍孫縛似新洲荻  
伐盡誰為傅藥人

藓錢蕭六太憨生  
三百年期識不成  
贏得局中常斂手  
飛碁捷過四州兵

將頭黃襪付何人  
好鍛紉鍼技不羣  
四貴朝門危白楮  
更無呵止李將軍

殿上驢鳴王氣收  
玉夫潛結佃夫謀  
北湖一路青園寺  
衫袴傷心說雋游

射臍天許話南平  
韻絕吹簫臥不醒  
怪底禍機窺織女  
當年杯酒祝長星

榴花暫續李花開  
白帽張髯事已諧  
利刃金刀相刈急  
後

人虛設八關齋

柳襠角壤竄深林儘剖孤臣五竅心二十二洲江左地將

來土價比黃金

少了一兩管

英風勝算扼尋陽覆轍劉宗誠漸忘一笑貂抄疎骨肉白

頭人教武陵王

錦袍白服懟青宮萬弩爭飛燕尾風嗚咽園林憶猿子斷

腸從古是巴東

阿奴幼苦阿婆家黃紙毛生署狹斜字繞中央三十六西

洲心事許楊花

斷仗輕麾太傅兵訖無一語服常刑王郎倉卒搥車歎賺

得鰕生破膽青

頻清君側兩相嫌冷落儲端讓典籤甘草杖摧荷作柱寸

心憂斷杜文謙

健將盤龍守白龍龍駒畫敕殿當中雲龍門起喧西弄袖

手尙書局未終

誰從義鬼縛東城名士參籌羽翼成二寸絹書郎九歲西

江有客報田橫

宮商音悖子絃爭焦尾新彈別有情宿將一呼人十萬大

家懊儂

奴浩反

踏歌聲

先皇陵口問塗迷困獸雛凰失並栖怨毒如山貽禍水後

堂小字改俞尼

煮椒二斛夜淒淒赤誌驅將日月西門上老烏愁未穩一

聲先聽禿鶯啼

祕疾經時意更猜同朝六貴安知如何甘聽人穿鼻不似宮門縛袴來

檀溪竹里漸傳烽閱武堂深柳蔭濃一夕撫牀香火淚飄成苦雨長梅蟲

阿房土木踵秦墟畫壁匆匆祕戲圖底事集鱗稱解菜至尊坐處卽屠酤

人馬相驚入樂遊縛菰逢怒苑門秋當天鬼讀西京賦枉信楊巫祀蔣侯

王偃子導王天虎白虎幡高鈍虎牙沈范情多與帷幄不援樹葉裏蓮花

仇雪卿家屬未疎百官雨泣感當初所親勸醉原禽犢走馬王門更不如

不見章臺馬  
可否走馬

京師寓齋內弟楊二峰朝鼎過時余悼亡二年矣

無端流水一溝哀支枕江湖百念灰蝴蝶空齋秋夢冷感君重訪玉溪來

宣武門前信馬行稍遲客裏叩門聲祇愁相見難相識白髮年來取次生

藥裏經囊遣歲華一燈如豆話天涯柳州落魄楊馮死不忍生兒兩外家

舊家虛壁澀塵絃授我鸞膠更愴然兩載辭昏箋十尺可無消息遞重泉

汶河晚眺

回首吾山夕照收  
汶河漸急晚風遒  
自憐生性如弦直  
不憤南流又北流

沙河

沙河南北往來頻  
飄轉隨風落葉身  
一院柝聲三寸燭  
天涯無味送秋人

蘄州道中口號

募船搖來巖頂僧  
危磯張起漁船罾  
大痴小米擅潑墨  
寫此雨江能不能

江流平似鏡  
新磨踏浪兒  
郎拍手歌生怪  
王家竹樓記至今  
江上竹簾多

白湖南頭灘復灘  
江過巴陵灣更灣  
委曲妾心江水樣  
不教郎住小姑山

邏里軍站郡人梁利餉冬筍時金方罷官

堆籠潤浥露華新  
挈送郊西野意真  
怪底晚餐清味永  
登鮮人是煮茶人  
梁故在署內煮茶

半生浪食花豬肉  
蔬筍於今愜老懷  
多事長安保安寺  
官廚容易破長齋  
丙申病起持齋戊戌計偕主楊兵曹鑑亭率復食肉

一束登梓夜飲酣  
牀頭戢戢費收羅  
年來剝繭心枯盡  
那有新詩似爾多

瞇瞇吹迴竈突風  
霜燈孤館照筠籠  
綺懷合懺東林寺  
冷伴相思子一叢



撈蝦出釜縷薑初風味江鄉百不如記趁花時謀小飯竹  
橋東畔雨疎疎

莫三芷厓

壽汝

於扇頭着色寫牡丹一枝見貽

名花得意縛春時妙手空空偶折枝水墨一生神骨在爲  
誰塗抹買胭脂

華清宮裏繪清華崔白徐熙擅作家便欲移根江北種只  
無方法學漿花

橫州

江城過雨洗氛霾滑礎東西碎石街興到不須防足繭山  
蕉扇子海櫻鞵

也摘旗槍穀雨前園官遠不到蠻天都籃好載江南去歸

試家山第二泉

水匯三江穩客輪風帆渺渺度平津青山一別愁千里今  
日茶亭見故人

灑江舟夜

扁舟放膽突迎瀧急槳中流水打窗星月滿船搔白鬢十  
年心事問清江

藉嶺城高伏荔卑危帆且緩去風吹南流江上蕭蕭雨笠  
屐登山自打碑

山川南粵附南荆舟楫西陵下廣陵鷗嬾不離江上水偏  
教夢作打包僧

分水亭次吉明府

彥英

送別韻

十載纔登水口亭乍看此水別離輕迴波風起沄沄合莫道分流便寡情

湖湘舟次

哀絃促柱制霑巾窮老心灰渴路塵今夜湘舟水調子亂和春雨濕流人

朝來道是花生日寂寞荒祠水一涯畫壁離騷滿蘭芷原來香草勝於花

如鏡平湖漾去心夜船容易別楓林未能留客殷勤送只有清湘清最深

當日龍標過五溪落花經雨踐成泥人間第一無情路岸柳湖雲總向西

湖口推篷望不堪此江東下水程諳故鄉消息青青柳一路將春到漢南

武昌詠古

詞賦何人擅郢中江山指顧出羣雄竹頭木屑勤王去握麈清譚恐未工

太白星精感禰衡擬將蘭蕙弔精靈江洲竟不生芳草髮指童謠十日青

上游重鎮接荆湘六代相承障建康司馬家兒無一是差彊人意得譙王

襄樊水陸互相援翼蔽長江郢鄂全一等庸臣銜恨死分明賣國榷場錢

地廣工修盛楚材米商連夜重船開江淮萬姓憑生活氣  
奪吳鹽上水來

寢食春陵賊退章十年項比次山疆杯湖退谷勾留住遮  
莫前身孟武昌

江城去路指長安未落梅花江上山吹笛

清時更何怨好春楊柳玉門關

留贈雲夢高五明府綱齋

元文

初攀楊柳記湘潭纔見新黃綠又酣一路畫圖清到縣燕  
前鶯後想江南

使民如子吏如奴白飯青芻酒滿酌怪底相逢多古誼君  
官雲夢我蒼梧

汝河春望

英雄徒手奈人何曾此羈棲避網羅江表景升高俊及豈  
惟名士汝南多

魏祖南征大合圍東來饗士炙犍肥千官移帳旌旗滿只  
放楊花燕子飛

獷虜同羅藥葛羅中唐賊勢沮元和韓碑累曳青山倒芳  
草茸茸夾汝河

照碧幽蘭相望愁風情猶帶見山樓廿年富貴黃河水一  
勺分流涸蔡州

宗政襄陽守禦勞合師兒珙張南朝天心噴決柴潭急三  
日錢塘不上潮

已  
不  
返  
班  
起

將  
年

昂藏七尺丈夫身低首難爲兒女仁桃李花開圍古廟無  
言爭學息夫人

鞏洛道中雜詩

小人純孝得回天北望共城接廩延不果啟門成出走見

兒真个到黃泉

鄭京城

漢皇百戰幻人謀築觀當場咽亂流直欲堙將京索水不

教東下浚鴻溝

京索水

鈎黨紛如競渡喧濁流飛雨打龍門林宗氣到仙舟短士

不依人各自尊

黑石渡爲李郭同舟處

三月阿房楚炬然重瞳氣欲燄熏天軍門一火淫威盡赤

帝當陽四百年

二千女子隸虞兮訓練兵間慣出奇易地陰陵誑隆準不

乘王纛借烏騅

急計超於六出良心同曲逆豈堂堂定應躡足分封日笑

許三齊暑假王

以上紀信祠

早識龍驤功業奢羞因決策比張華聞孫心法傳伊呂國

史休編詩世家

杜預祠

沈酣盲左癖奇瑰老憩邙山土一抔註易

王弼墓在偃師縣東三十里

傳詩

毛萇墓在洛陽縣東十五里

相羽翼大家都要此間來

杜預墓

事畢明明表道旁久將心血嘔睢陽墓門一種應含笑較

近勤王到朔方

許遠墓

一從血戰殉孤忠路斷關中與洛中如此英雄教飲賊官

家自不要山東張須陀墓

知己貧時足歎嗟分金多與似泥沙雄圖末路官山海不

見生平鮑叔牙分金溝為管鮑分金處

五王反正事猶賒亟掩幽宮洛水涯除却房陵書帝在更

無寸土屬唐家狄梁公墓

霍家奴慣入金閨傾國豪華懣悔遲力士為僧有家法南

山人搦少林碑

好夜宮香透法衣瑤光殿左事全非阿師骨碎花林雨自

在郎君控鶴飛以上白馬寺

平番旅次晤寶應王秀才書深邦慶話家山近事甚

詳於其歸也牽帥得詩十八首以送別錄十首

南距枹罕北武威左連魚海右鷹圍十三年夢千山路鄉

語聲中好當歸

烏衣巷前帳紗絳安定書院紅梅嶺畔講燈青梅花書院風騷兩院

齋堂話老去韋郎抱膝聽

茗心一寸黯西灣月好空江弄槳還亂擊珊瑚擲詩卷有

人相待祖洲山蔣心餘師前長安定書院

濃春載酒石莊僧名菴密雪聽琴寶月僧名龕畫蝶閨人汗駒

子輸君桑苧老江南老友黃春堂今同王生肄業梅花書院

揚州春水碧於羅捉搦兒郎宛轉歌上口使君新樂府竹

枝須讓柳枝多兩淮都轉曾君新刻題襟集內柳枝詞最佳

雅材官閣鬪尖叉汪藻臨安閱夢華拋得紅塵幾枝骨除

教湖水葬江花

注容甫客死西湖

單親手種遣貧栖密茨秋長壓架低老我飄蓬君宿草豆

花開過草堂西

容甫送沈山長扁豆詩西風滿架開花密白露中宵墮葉寒老母閒居曾手植先生

晚食好加餐

鼇目重開利甲科

江都縣儒學前雙井風水家謂為鼇目

經繙千佛上乘多

歸休更作城南會三五叢中詫阿婆

王陽探寫子明添四卷頻抽插架簽紙薄桃花上元字春

蠶眠在嫩桑尖

余時文稿多藏妹婿夏秀才玉亭家

度隴王郎短後衣匆匆歲晚蹇驢歸舊遊趁好牆陰熟莫

待江城菜把稀

木皮嶺外始安江陽海山前昭桂瀧三十六峰迴雁足白

頭終日倚樓牕

天低月小衆星乾側調新聲續續彈持和紅橋冶春唱何

曾西海鐵衣寒

次韻酬方來青觀察枉送東歸六首

少時逸氣吞湖江手捉銀河尺鯉雙纜望蘇門歆弱步詫

人椽筆本豐杠

黃詩弱步歆豐杠

無邊膏雨潤邊沙靜轉鈞陶蒂落瓜怪底冲懷全似水由

來許國已忘家

觀察來伊犁聽候委用今四年矣

名山千古荷相期獨繭抽絲賭奧思恐遂失傳新樂府臨

歧華髮祝生兒

就養官衙天水遙十年四度往來潮生歸跪舐衰親目齧

指深痕捧未消

老母就養西粵以不諳水土再歸江鄉

草堂東望郡樓斜入夢歌塵駐井華不道信行

平聲信行杜少陵家

僅名時金老屋為族中賃去

無倚著招人汲遍舊栽花

嫗解新詩味最真仁風萬里感情親却愁老著春秋說鑿

齒家居署半人

原作

桐城加受疇來青

楚傅家聲著大江桂林治績擅無雙天教西極窮星次

故遣龍文百斛扛

時書城彙纂伊犁總志

才名三載冠龍沙荷淨涼生正及瓜一紙恩綸歸去

速黃花開遍好還家

邗溝雙槳果秋期綵舞斑衣慰孝思老樹着花多結子

好將詩禮付佳兒

憶宦維揚歲月遙廿年往事湧春潮雲山舊跡都成夢

棖觸歸心未易消

廿四橋頭月影斜平山堂上湛清華膽瓶芍藥會同賞

應許偕觀鬪市花

後會難期別已真他鄉歸去意彌親馬頭風葉離聲起

又羨江南少一人

年來歸映黎方伯蕭易亭張夢廬太守先後由伊犁東歸

入嘉峪關紀 恩述事十八首

罕羌餘息丐湟中

時西甯黑番搶掠蒙古案正屆歲事

兵弄潢池電掃空

陝川

教匪勦除淨盡

我忝將軍惠芻秣相隨天馬箭雲東

湘浦將軍呈圍馬與

金先後由伊犁東來

同天邊漫雨南郵送笑吟

感深解網德同天逐影而南雁後先好借白詩煩嫗解

皇恩只許住三年思健林林到天萬山累上觸天低歸路高秋健馬蹄得我出關蒼莽氣大

風終古湧安西

馬角烏頭幸有期嚴關方啟撫躬疑傳呼響處

天心果交付衰親白髮兒

全收甌脫鞏金甌腳跡纔教踏九州節候果然中外隔秋

餘一夕卸征裘入關次日立冬

燈花此夜朗慈輝應夢兒從萬里歸轉動邊塵滿箱篋何

人為綻五年衣

欣看塞水許成河紅柳編隄十里過補繪青牛入關記伯

陽輸我此番多

第一雄關關樓額曰天下第一橋

第一橋肅州東門橋額曰迎恩第一橋兩山如鞞

斂風刀云云盧水即黑水明於染定有霜華褪鬢毛

滿地硝鹽乏酒材麴車如陣擁高臺高臺縣為漢表是縣晉建康郡地邑人釀

酒盛行曰高臺酒鯨吞要吸東南海不羨移封到此來

持節登壇衆所尊廊餐齊做戟轅門三軍喜氣融風雪滿

擊紅旗凍亦翻人無幾許

明廷簡帥競身彊組甲連營耀日光聯絡邊防與都護軍

門傳箭過燉煌其地

入關仍度幾重關蟻認珠穿九曲還大斗谷寒甘石泐隴

山從此接天山高聳蒼巖素壯未嘗



山根缺齧土牆高錯道羸秦址未消

聖代不煩遮虜障毋論初築限臨洮

甘涼一帶山下多土城基迺元魏以後所

築遮虜障也秦長城西起臨洮當不至此

置郵山後走幽并長嶺迤東外朔庭四部六盟

在直隸山西以北盡

沙漠地今永為藩服矣 綏服久無邊牧馬草青青

聖慈俯恫鐵為衣甯止年來謫宦稀戍卒天西不盈萬一

齊驤首打包歸

倚天孤詣恥規隨大漠空明蘸露垂出塞吟編新樂府教

人倦搦漢唐碑

庾信文章有定稱暮年聲價壯遊增江關定不愁蕭瑟掩

耳修文祖孝徵

生歸回首度龍沙參養全依節帥衙報

國報親都日短受恩深處敢為家

齊驤首打包歸

倚天孤詣恥規隨

# 經遺堂全集

# 齊契

經遺堂全集卷之十八

補編詩

江都韋佩金西山

斷橋晚眺

步出郭北門。孤懷愜幽散。焜黃翳亂蟬。落日耀岡阪。取次  
 羊牛來。牧人意已晚。橋斷我更尋。水清白石淺。  
 菱花不可見。水禽飛縱橫。池館猶前春。奈何靡草生。蕤骨  
 望纍纍。古原無人耕。才人采上藥。達士警秋聲。躁神將喪  
 形。動中必搖精。但保百年死。何必學飛昇。

白馬行詠宋史

白馬行開中興。白鹿經講學。明白雁聲集。元兵黃袍誓。陳  
 橋計黃龍。誓金牌。字黃冠。誓西臺。淚一代興亡如轉燭。千

古孤兒同一哭柴家趙家一塊肉

登鍾山望後湖

登鍾山望後湖山多水長倏有無寒香一色十萬柄鳧鷖  
點碧雨跳珠御溝零落石橋五西風颯颯吹菰蒲古來興  
廢此山色朝夕變幻煙嵐殊深谷可陵田可海蕪金鎮氣  
母乃愚鼎湖遺弓茂陵草入關空貯蕭何圖樂游原上自  
良夜風月留與閒人娛往者經營得未有豈知天地如遽  
廬眼前咫尺坐歎息江山清空望何如龍虎蟠踞風雲徂  
大城夜打寒潮孤故壘蕭蕭秋荻蘆六朝殘樹煙模糊

簡夏琴仙

時以所貽詩張壁

獨破壁不立貧骨彊撐拄古屋無晨光幽幽百愁聚開戶  
驚天人突兀君一顧鳳瑞豈在苞豹蔚不以霧淋漓元氣  
相迴互直上泣天真宰訴宵中雷電下取將只恐捲茅廬  
并仆庭空月暗颯有聲紙上精靈自來去

同徐見薪季河深劉漁塘三秀才宿東陵廟

秋心逐行李吹挂東陵廟言尋長河干惆悵霜風早遠山  
隔大江落日遍秋草鐘昏荒地動帆收岸燈小客懷話易  
闌禪榻宵更悄吾儕真如寄取世亦何少石竹三兩枝瞿  
然立清曉葉葉下疎疎開門一僧掃

泰州雜詩

斜日大城上高風東海濱泊然遺衆好白雲心所親欣欣  
野榮木漠漠水交蘋漁舟息靜浦牧馬步閒塵一酌文舉

酒還墊林宗巾古人不相及此又無四鄰孤懷質之子謂

塘妹努力留去春

明日東原東行吟鳥驚起吟外無一聲雲木秀如此板橋編危渡下有泠泠水路轉出炊烟人家樹深裏

高館愜孤散况迺鴻雁稀浮雲致蕭條臨水送將歸空庭汲井華清冷逼人衣臥把牀頭書麥風正飄幃幽懷似初月林際露已微焉知一春花暖遊蜂與飛無虞茗粥盡或歎南山飢昨夢杜陵叟分我食餘薇

寄王暮塘

喬林

高情軒霞舉迺結古寺鄰零鐘散幽草落花香想春歸臥不復出杜門弛冠巾岸容對敷麗隔水意自新眷言好我者何以慰我真交歡無晚歲成別非良辰

四月二十八日同學諸子出遊北城園亭

獨學知難就中年宦未通委心方駕慣幽意舊遊同魚鳥交元氣鶯花洩化工晴波動午日華館過春風物色浮雲裏清和想像中樓臺烟樹擁歌管夢魂空芳草連新路柔荑老舊叢農桑原本務詩酒但羣公芳訊青雲思歡場白雪躬步趨隨哲匠吾意矢初終

易水

不當徇太子丹須臾不耐成事難不當副秦武陽捧圖上殿驚倉皇一杯酒盡便當去略有低回非壯士許人生死殊尋常爾日悲歌覺多事

香阜寺

城東五里

長河崇精舍。風露軒秋谷。土香芝朮暖。樹密臺殿復。繁花  
衆蝶喜。深雲一房宿。水容白日靜。松門涼月綴。聞鐘遂成  
往。經過肆閒矚。無聲堂飯僧。有影岸歸牧。林晚衆翼喧。孤  
禽下尋竹。

四皓

漢王馬上得天下。見士踞洗而嫚罵。四皓采芝不爲屈。轉  
眼迺爲太子得謀全。主器醉不朝。女雉挾權浸以驕。鴻飛  
冥冥那可測。多事資人作羽翼。絳侯曲逆徼幸多。四芝險  
使成荆棘。貪天成事甯爲功。氣節方教國命立。漢庭諸子  
總尋常。王陵一諫令人泣。朱虛一歌令人激。

漁溝踏雪憩小菴觀奕月落步歸東山

耐客山更靜。空色霽夕陰。靈溪暗猶涸。人雪孤菴深。寒意  
斂。楸局敲子失。空音鉢水凍。僧戒風泉兼。我心躬叨扶杖  
力。景僻豈忘尋。初月與我背。出門望已沈。留燈遠相送。寥  
寥疎磬音。

同作

天長陳宣豹山

一局殘碁話夕陽。荒菴小逕入迴廊。老僧法戒清如水。  
汲井輸他雪作漿。

長明燈作碧琉璃。金鐸聲中客過遲。清磬忽闌梵唱歌。  
空庭人見鳥爭枝。

不第南歸

一夜燈花繁明發果歸趣廚語棄糝新篋斂征衣素瘖馬  
習來程山橋雨中度方炊齊東麥已望淮南樹居稠樵汲  
喧市鯉江湖聚春塘當日船猶艤送我處蠟屐掃門苔亟  
用訪親故

都門留別高孝廉東井文照丁二修屏國治

岑杜昂藏濁酒杯廉頗汲黯豈詩才秋衫秋草休無賴把  
手同君上吹臺是秋東井竟客死京師

荒寺疎花雨不肥一春長定送人歸三千寒峻排雲路聞  
闔晴開次第飛修屏倡議佐雜加捐分發部奏奉俞旨

西風片席度黃河穩向江城臥薜蘿身世十旬無寸補平  
原添了綠陰多

花朝同洪副榜亮吉方孝廉寶昌戴秀才潤坐月艤舟

亭分得席字

清深一池水千古留濯魄亭敞納衆有坐久息羣役風來  
楊柳疎鳥散花光夕因幽藉芳草命酒煮白石嘉客春肯  
停夜綺景逾積空香襲聯袂虛廊響歸屐餘歡人重船戀  
賞月在席誰當難美具不歎塵中隔

同作

武進洪亮吉稚存

坐久不覺遲宵鐘動初地暉暉月華滿濛濛柳絲細辰  
良既同涉心賞亦微異感此離緒促詎暇數登憩斷梗  
行已遙虛舟不能艤

述歸

屢左依人計頻歸無奈何酒懷對秋盡心事話僧多燈影  
推篷出更聲聽雨訛牖門齊閉夜知已定風波  
好花孤送客拘上載花船帆礙長橋後心飛斷雁前警霜  
扶病骨忍雨過江天稍惜閒亭驛浮游盡一年

奮翮二首

故巢風雨至羽毛日摧頽欲遵雲路濶奮翮仍徘徊自春  
渡江歸秋中復辭滄凌霄迺矯夜流音聽何哀不嫌川原  
迥但傷儔侶乖還歷孤征苦往逐稻梁微努力解世網一

伸鴻鵠懷

出室愁無涯入室愁不轉輕舟名辭流捷屐竟違巘蟲緣  
寸絲縮鳥踏一花扁澹雨且隔枝墮月直窺籬蟬曳頽陽

仙意一覽  
仙意一覽  
仙意一覽

輕螢感秋氣輒身家累創守魂迹判往返白駒空遐心  
生芻又成剪

蔣氏三才子詠

吾師心餘先生三才子長知廉次知節又次知  
讓皆有文采能世其家學金同下帷數年詩三  
章仿其梗概存知已誌世好云

香雪

知廉字

醞元氣破暖百鮮新清華鍾花骨渾渾江南春

公子褻裘來望見驚座人抵掌發高論慷慨無辛陳臨觴  
不肯辭意與酒味醇醉中摹父書行草皆逼真想見王大  
令家法嗣右軍東坡侍老泉浩歌出峨岷廬陵生並世早  
充觀國賓

出塵不可攀清老最秋竹

知節字

直上有本性挺特矯衆族

指拄千古意吐納在虛腹不知風霜信全改蹊徑熟傳詩  
宗武細聞道子由木高文飄古韻金石冷曼觸瘦宜寒月  
穿淨出清露沐日暮衆颯起漠漠吐微馥陋彼林中材葉  
落樹老秃

四海復四海九州更九州藕船

知讓字

當後勁不讓茅權道

天篤生我師賦才一石優更掘古今窟淋漓浩難收傾向  
小於菟日星閃斑彪陳思嗣詞賦斜川從嶺遊父兄顧之  
笑放子出一頭無邊飛動意正及年華稠行路那復難咳  
唾酬恩讎

南遊留別綺塘練塘疏谷薌谷

驟雨取花去棲枝遂成飢知己感未終委蛇身事非無語  
坐道周但見秋草肥名園闕客跡空水澄夕暉風雲失扶  
將墮翼自孤飛詣遠非本性况遣悵音徽

我骨未盈把遠大不得將撫髀非驥才敢廁真乘黃假以  
病疲馬鞭使踰太行甯惟蹶歷塊上阪亦已僵恩非惠養  
重德以經塗良南行詎驚遊江湖合風霜要使鍊筋骨雪  
言方越鄉豈伊章句流製作富舟航留語二三子歲暮毋  
太康

練湖水

練湖水何清清湖上寒水不生望不見來時城艤不到去  
邊亭一更枕睡夢不成二更入夢睡復驚還家正好踏船



板醒聽水牖欲四更四更吐月水忽明推篷不知船已橫  
湖烟濛濛聞棹聲

京師移寓憶保安寺舊居

昔來憑長轅今遷寄短軌上車不低頭豎豎丈夫骨劉陸  
同初程聯吟散巾鞵風帆坐春酌清淮度嘉月都下主兵  
曹楊主事暑人蔭街樾集遽坐驅蠅坐久壁見蝸杜集甯足  
借巖詩銳突兀猥以山野姿通籍對

金闕病濕倦筋力名紙阻請謁跡與獨雁飄心將衆芳歇  
諸公愛燕玉彊起楚廷別入門爲媚難終依懼歡竭宰相  
雖知名光範恥自屈簷外鈴鐸聲勞人馳明發

京師醉月

白雲洩西山霜落花不支山河此良夜大地皆琉璃褰裳  
涉天漢欲逮秋江湄秦嶽起阻絕塊壘塞肝脾求救急引  
滿長川灌不辭與酣喫成雨一吐胸中奇幽院做竹柏杯  
寬影參差玉色酒面靜碧海珊瑚枝心月遠相得空觴手  
猶持迴翔抱茲獨訴人拙言辭修塗渺止泊窘步俯就羈  
却倦抱甌立風衣吹睡遲皎皎不常存旣醉憐餘輝

題方縣佐維翰孝廉維祺廣陵送別圖有懷其兄明府

維憲

同我二分月客裏詩人影甯教失交臂未敢附馳騁日傾  
汪倫篋詩筆歎精猛於汪三繡谷案旅宦各浮沈望望關  
河永去年欵難兄梧竹話清耿今歲晤兩君風沙亂蓬梗

稠疊慰素襟坐對欲忘暝多才倘結鄰分半湖山肯我生  
賒孤賞熱腸夙所秉蒼涼十日聚謂明府別思紛難整良朋  
尙傷離魂夢到杯茗而况白髮親倚閭意酸哽貧家茹辛  
苦門戶無兒冷虛生不肖身愛日意憬憬泰山中阻絕霜  
雪天宇警願言思敝廬積牆塌秋并畫圖觸行色敢以歸  
期請還君三歎息烟水江南艇

淮陰詠物二首

水桂花

馨香匪在大階進惡以夕施卻附枝蘿昂較及秋麥學松  
果具體補地那容隙莫道作花時星星澹姿格草莽矢夙  
心堅向主人赤一旦起霖雨連茹有正色滋腴水神骨森  
寒月精魄瀧嶺不受移天窟近通脈植立品益定供養性  
要適氣味出根深鑿心在清白程材或不察妄丐傳膏澤  
恥入兒女手引類臥幽石

老少年

林立樹直體森森望之儼祗爭地蕭爽不問時荏苒商秋  
原不仁蒲柳試其漸欲避風雪侵甚迺流爲諂每變進益  
上光氣不可掩衆芳黯澹中陸駁時一閃甯惟邁春華轉  
更德霜染與人遠近閒老健名豈忝高士宜置尊慢體毋  
借簞樸始養已粹文身操匪貶晚節湛光明兢兢慎防玷

租船行

租船徑度揚子津登船滿載江南春不合生工離別曲却

教老作江湖人前年租船雪霏霏故人如葉寒林稀潮迴  
鄞海風吹立雨斷松江水不肥乍落驚魂潞河裏租船直  
下三千里長蘆纜到大沽頭嶧山遠抱諸湖尾幾日童謠  
楊柳青幾時帆轉語兒亭越禽代馬更相笑南北年來頗  
慣經水邊例就篙師飯水程或恐舟人賺淮陰今歲屢租  
船老僕推篷數前站三日候潮潮不流五日候風風打頭  
船身亦作四周板欲眠更起同羈囚卷衣亂打開船鼓長  
年健兒猛如虎客何倉卒大怒嗔詬辭雜沓如風雨我憑  
忠信匪其朋何不舍舟甘擔簦編年事滿烟波綠行腳功  
圓雲水僧船語先生應少住賃車一路錢無數笠青蓑  
把釣竿我能爲爾移家去

沈國學以生魚餉明日又寄墨二九因用東坡調

歐陽季默二首韻誌謝

遺羹錫穎叔懷肉喜臣朔古人憑至性舍此更無學半生  
拙謀食石田耕犂确何日試新鮮鏡湖分一角

光皴古丸法漸遂丐膏馥作字須正容守身如執玉養廉  
且節用棲林先擇木但遵先子訓隨事有成軸悠悠蓋棺  
頃公論馮迺足何限懷人詩草滿舟中牘

贈興善菴定長老

幼習清淨理悟寂棲道林城雲颯高木閉門苔色深長廊  
春雨滴四簷垂晝陰上人耽法要元關杳森沈藉草飢空  
性焚香藹妙心內天養燈燄外言希磬音便當游澹忘相

於謝華簪

畫牛

誰家小幅寫牧牛荒原獨樹西風秋手攀牛角上其背短  
笛在腰髮蓬頭嗚乎爾牛迺可石角抵五丁擘山壁豈知  
拓地起興王犄角三秦不能塞嗚乎爾牛迺可木不從輸  
糧子午谷并吞莫恨馬同槽貽模但有羊車竹鳴乎爾牛  
迺可金馬龍浮渡江水深永嘉以後非全國魚羊羯羌飛  
殺蹙嗚乎爾角迺挂書蒲山坐跨牛羈蒲童牛不早牯仗  
下走逐隋鹿為先驅山河憑弔足揮涕爾牛往往關興廢  
牧人鞭不問何之人功狗功了不知下士局促都似此與  
誰論畫兼論史

題山陽王廣文吉春船擷笛圖

懷芳蕩輕橈沿綠艤春沚勻絲暖微風拍鳧知生水及此  
青陽暖稍宜朱顏美江湖浮廉夫山壁出李委勝情緣蕙  
柔行樂逐波詭賞戀嗟逝機思集鶩禪理三城外平遠清  
曾掬漱齒荻莊果秋期邀過方山子謂程七國簿世椿  
同嵇七惠塘訪劉大養齋銳劉四雪塘錦兄弟卽  
招同泛舟飲蓮花橋酒肆

幽居直北遠城闌小艇招遊曲水津雨勢騰騰淹好日秋

橋寂寂署長春橋名湖山際此纔真面是日絕無遊船杯酒年來幾

故人白骨蒼苔頻塌井何如不飲任燒巾

取次名園得暢游空軒兀坐景全收柳能垂處須臨水石

到平時恰上樓黃葉漸知身是客桂花偏有氣凌秋少年  
情事春江夜更不樽前爲少留

澄湖十里儘洄沿冷挹湖波瀾茗鮮甘苦文章阻至味生  
成兒女話中年披圖淚下山陽笛雪塘出午塘遺照屬題傍水人歸

岸上船料理菟裘應不早青山有價橐無錢

### 春雨雜憶

花氣競鼓春工怒春泥濘失看花路閉門我在太古前真  
宰淋漓受花訴紅梅落盡憶開時醉踏花陰爲花舞初春  
風雨未狼藉誰從空裏放花去丁香瑣細天桃妍但解乘  
春弄姿嫵一枝新竹挺出簷力破餘地森撐拄我歸故園  
三徑荒春膏不潤嗟孤露空山流水花信稀更番廿四人

無數城南新水如才清招魂古渡孤菴暮程炳佩文涪翁揮手

歸太虛小住人間天不許黃景仁仲則青天白日施肩吾布衣

盛氣訶張禹施杓琴泉西湖二王南北峰何日張翼軒飛舉士銚

竹癯金我初墮地百不馴雲傳雛鳳風乳虎撐霆裂月未

滿意不解東風有世故佛救大千舍身相面卽是心心卽

語無不可爲天下事肯放春酣兩眉聚暄凄幾反變光景

荆棘滿眼騰烟霧自是吾生行路難顛倒何必愁春雨

### 題吳映棠秋林讀書圖

寫山用本色蒼翠歸虛含就崇迤半崦選奧窩全龕危橋  
阻訪屐幽燈閃空嶺素輝同高深千古結一菴煮茗或倚  
門夜氣堪微叅嗟余習靜理峰壑性所耽接猿窮幻引怨

鶴尋前探把圖意難釋及君如面譚寒裳且未遂甯爲阻  
參覃

簡黃三春堂

文

城牆東接天心高

黃家郡城東天心墩下

風捲華年飽江湖穠花弄

春不終朝一燈夢闌雨飄蕭昔忝羣英我最少百遊不馴

相絕倒舊家宅第沒官府年年門巷生芳草陳侯莖死作

客王郎

嘉徵

亦異物不肯速盡膏野田倔強泉臺幾枝骨感

此坐臥牽牛衣閉門深山野馬飛車軸不堅劔不利甕壘

命豈譚痴肥我爲進士不得進君尙老懷開筆陣相如上

方方給札

黃時恭應南巡

召試

蘇氏迴文更添韻

德配淑華工詩畫

大海

珊瑚伐作薪龍門鯉魚手可烹多生世故磨不盡不止綺

語詩人情男兒心腸一片熱紛紛泛愛贈不得望君登朝

尙氣節仍砥而今固窮力杜陵無怪爲人嗤等閒糴米同

襟期千秋有業莫相讓短氣升沈數鬢絲

題天心菴壁爲寶月長老

耽禪家左司好句清風如持寄皎上人流水古僧居眷言

東城外小邱冠精廬青溪紆郊術茶煙接春閭寶公來卓

錫游魚聽梵書捨法已淵泊焚香豈空虛四大旣無我一

塵不遺余風定抖臥羶雨餘剪園蔬一爲竹院過永與人

事疎未放聞思聞聊從漁父漁

常州寓樓感事示費秀才

華

強我作客懷抱惡鯨魚失水鷗閉籠把書卓犖會今古披

衣感候殊春冬此第舊開水門內日役千指彌年工陰陽  
異室堂百席卽論飛閣都相通西園池館生晝靜雨氣常  
在檐前峰主人宦遊不解賞四時花氣留惺忪欵我却借  
江帆風江陽敞廬月溶溶雪中有人指江東千樹萬樹山  
茶紅我方杜門制外募收拾欄具藏銛鋒人情或肯恕瘖  
雁天意無由仁惰農雲溪之水推孤篷街橫十字青苔封  
小門長閉石橋下叩久應門走老翁危樓欲傾塵凝榻無  
復壓檐花影重山茶伐盡主人死十年夢斷豪華空古來  
萬事如轉蓬看場傀儡杯酒中相門主宅亦何有變幻鼠  
虎爲蛇龍幾更興廢閱清鏡將我少壯成龍鍾遇君適館  
歲方綺燈前鄉語同吳儂清譚真數過江最勸且低首餐

冬春秋宵初長易破睡莫更展轉城頭鐘

暮春雨中吳上舍暮橋魯招同國博金先生棕亭

兆羅山人兩峰聘張上舍蓼樓彤凌上舍仲子

燕集柯南草堂看薔薇花分賦

花開次第如異書種種皆備供人讀今年一百五日春我  
輩猶以爲未足暮橋山人敦古歡賓主脫略寡檢束三條  
鬩深響泥屐五月秋先歸老屋飯餘揖客過牆左側有幽  
人支雅築叩扉益深雨氣涼入門但覺人衣綠黃紅貼壁  
相延緣蒼老俯徑交拳曲祇看漬水洗青蘿已稱吟情愜  
幽獨晌午雨止陰尙濃久坐心清香可掬煮茶枝鳥避高  
烟敲子梁泥落空局愛客難教花與闌催詩漸報酒香熟

羣賢抵掌英風生一老行吟鬢絲禿造化於人何太厚點綴不辭饒草木春日早開先已謝秋來葉落根仍復百物供養無盡藏一命安排有成軸扣難勝物且平心貧免求人甯食粥一年得此勝遊幾千金那有閒身贖待蕤落盡了殘書三萬六千須秉燭

王大雨樓招同丁一修屏

國治

李一愛塘

斗

卽席聞

歌

三兩心交敞夕筵春人度曲一燈前浮生有聚徒杯酌高會從來借管絃眼見鶯花當此月心驚絲竹總中年分明來日無歧路入夜歌場分外圓

辛苦填詞欲白頭又聽腰鼓打涼州長河急雨懸詩膽連席精兵奮酒喉清激引聲春欲駐靜尋遺囑曉難收男兒意氣常驚座不放肝脾到此柔

疏谷練塘薌谷過

莊生天地比虛舟江令還家非黑頭應爲獨看無好月不妨相見各悲秋重尋舊事翻新語飽讀奇書當勝游一雨好花偷負去慰余妻淚轉難收

諸君來慰  
余喪子



經遺堂全集卷之十九

補編詩

江都韋佩金西山

贈陳秀才

多福

秀才善筆窠書城南福緣寺燬於火乾隆四十

七年重建秀才書殿額極工

炎官法子搨何冤神焦鬼爛謁帝闈前以九河鎮百寶輝  
煌中天樹華軒殿高額廣標識重四字力聳梵教尊工師  
斲扁僧蘸筆羣才束手不敢捫惟君作字出心冶陶鑄元  
氣成蒼渾隄廩一斗潑醇酒寸豪萬像相趨奔風雷幻出  
攬攬勢蛟螭透入盤拏痕高秋日晴光怪動半霄奇氣衝  
雲根萬間上頭儼肅穆諸天旌幢靜不翻碑林立石緩位

置大筆借重光沙門墨豬嗟我被嘲訕興到不憚爲鋪敦  
作詩作字莫互讓他日孰與靈光存

次練塘韻贈薌谷

春暘衣鬪百家新秋發醪更干日醇寶劍雌雄動光氣梅  
花今古擅清貧任金蓮炬頻移照除玉壺冰便有塵把手  
吹臺賦風雪扶維吾道得斯人  
木問根芽水溯源塵中不諱後生天家庭事業眞爲政衰  
老英雄誤入禪歷劫不磨惟至性人生難得是英年許身  
稷契男兒事鞏蜀何曾爲買田

詠硯

三日伏水坑九死石骨裂如何青天根竟被隻手竊程材

超浮磬審音如叩玦古情語今難恃此遙締結矧用訴眞  
宰萬言供一映志士無費紙點畫具筋節縞素湛精神鑄  
語百夫血寸匙秋淚瑩枯管夜脣齧呵濕雨潤礎熬釜蠟  
入鐵功用不具陳始事或臣頡呼之朝義軒迺與故山訣  
鈿鑿混沌竅深啟皇初闌黃岡萬牛迺青花一瓣截風輓  
養舊腴潮歸露前嶠冷枝赤瑚明圓暈翠羽潔臥且百靈  
聽洗未衆星滅歷劫出人間甲丁不敢掣古雅邁商父奇  
雋踰越絕苔青想悝季萍綠歸卞薛聲宏知質壽房序有  
不屑良友幸我貽盟手薄言挈前隨奚囊行好景收吳浙  
長劍共陸離短琴伴羅列吞墨嚼冰稜漲豪飽雲穴呵護  
篆籀靈鏤刻河嶽傑至今繪客愁蟾蜍氣猶咽爰於文翰

暇酒酣競傳閱犀眉純漆堅蟲蛀黍米缺白蕉蒼水澹丹  
砂火捺熱天台峰墮海崑崙脈浸雪地肺凍膏凝詩膽古  
香徹肉好愛難老水精滲莫竭璞喜平公完字豈僧伽涅  
流徙終可憐怕向故家說

扇頭山水

看畫如遊山略涉未了願作詩如負債何日可焚券誰磬  
素筆紙大小意染渲板橋接蒼茫外或度沙堰上流奔巖  
瀑宛見斛珠歎采鮮橫截標引灌曲圍榭春簷戲蘋藻秋  
鷺澹荻蘊赴川想渺瀰扶空出悠遠橋側俯水田左遵得  
平畎疑欲課東屯庶將耦下撰靈根纔抽苗潤綠未及寸  
循路起犖确石態盡辭鈍陰壑森竹樹微徑剪荆蔓忽看

曠霽中闕斷戶不榷違暗柴扉開就爽草堂建離奇倚屋  
山將無窟緇貓如笏指天銳如筍掖松健翠絲絡雲蘿宛  
人髮垂鬢餘妍出虛際映座一青嫩渺焉尺幅間設造萬  
態頓巖壑置果真韶光誓無悶猶防擾幽棲捷徑與世恩  
而此訝山靈貴惜不多獻費定壺天遊莊須芥舟遜使我  
意也消摺疊如束傘攬身旣莫入換石空勞勸盆山不可  
隱畫餅終非飯但有清風生那聞夜鶴怨生平得地難塵  
中頗爲恨聚米歎馬奇暄寒學劉論橐垂苦無出誰送賢  
十萬昨晤終南人名山原肯販

題古盃道人畫八幅

作者曾中梅如何肯欵側照我證前修不藉東風力

側梅

得魚便歸去收竿穿綠陰依依所來路水接青蕪深柳陰歸漁

香重不任扶影斜乍堪倚幾見逋仙臥扣門呼便起梅臥

輕衣襲芳氣高翠陰蘿薜人琴兩無聲千仞嶢嶢壁山蹊負琴

挺挺塵外身不行亦不坐久皈清淨門今生人一个梅立

風雪一天沈泊舟臨絕嶂蓑笠不須歸愁心自江上寒江獨釣

不能着一語非色亦非香白戰有冥契千古聚星堂雪梅

山中癯道人遊山成獨往蕭蕭葉吹盡石上雨聲響枯林冒雨

出都留別楊兵曹同年炤

半舫原於浪跡宜迴流心事水泉知人來坐雨都成舊夢

後尋春莫歎遲公子登科千佛碣書生作宦滿頭絲瞻

天捧檄情懷重衾影分明稟路歧

最熱腸人冷足音單車塵海忽相尋金都散盡豪猶在話

到無多味轉深遠道書來更夏臘故人別後各升沈滄江

短棹頻回首一榻金門十載心

登大別山

分明大海朝宗路不止東西控楚邦岷嶓自來原合脈中

南得此滙三江禹貢三江余力主鄭康成蘇軾說斷不敢從蔡傳一家湘漢尋戈

盡九郡荆襄潰壘降七十二峰成望禮何曾嶽色到僧窗

山顛廟祀祝融

哀陸川李明府傳歿於李五松圃比部家

南天大雅仗扶輪軒敞來青掃榻塵松圃所居日來青軒太白當塗

偏捉月玉溪比馬記尋春拋官不活無家客賸骨終歸未

老身我感髯翁謂松圃風義古也來燈下哭詩人又有先生大抵官多

冷名士從來病在秋吟情藥味原同苦壽考封侯兩未會家賒南粵歸裝夢人在西園雅集圖等句不具錄

懷集官署送張中翰位歸秦州

剛沿碧溪送還戀方舟賞誦我過嶺詩高唱秋空響憶藉

桃李陰澆酒黃花盞中翰與金同出李寶幢先生之門出門賓從散聯袂

兒童長別葉隨風飛喬柯有餘仰君違直承明我慚竊公

養徵民友可信後食已難枉小住鑿夙心遙天悵孤往何

堪度嶺重尙未限河廣所歷難悉陳吟囊壓歸鞞

同陳十繡野錦黃四雲達衢馮三學吳二映棠本春

塢山懷集縣南二里寒望

緒風款冬心零雨補月頰方寒節候遲沿溪葉未脫同居

四五人先期戒朝秣言從萬瓦外一快霜野濶澄水面可

照疎芳聊手掇縹林企單椒望見久莫達瞻前及翠微顧

後已木末食單先僧廚小憩倚寺闌盪胸遠天開舒眼四

望豁臨賀送寂寥瀧吏戲乖刺漉彼南溪水東北流活活

獨葆在山清皎然不敢奪歸騎鐘魚催來徑羊牛括待渡

尋鹿場植援聚魚沫山醉習氏池柳記袁家渴人村暖可

親舊葦戀難割長江大艣重清湘雁程遏勝境無窮探所

嗟故鄉越

送李二艾塘斗由瀧嶺北歸

喜見隨陽雁如何又北飛上瀧溪不送過嶺水同歸薄酒

官廚餞西風獨客衣繫維憑永夕惆悵爾音稀

原從南越至復向曲江遊粥飯循精舍詩禪訪惠休霜清  
象角水臘盡虎頭州故巘如相問勞人第五秋

憫農行

在懷集作

布穀仰天鳴有求百草各抱春雨憂我懷皆山鮮平疇刈  
刻蹊間或隴頭側耕危穫無橫由自譚舍堡名北磽瘠尤五  
日不雨叢螟蟀一雨盡日禾埋頭山高崙深虐鬱攸瘟瘴  
欲盡人與牛晚禾抽穗愁乾秋但遇淫潦堇泥稠風雷窟  
宅移靈湫安得遂人經畫周田間盡力洫與溝下者汙邪  
上甌窶隨山相土爲稽句我來因陋無良籌民訟水利爭  
咿嘍眼前勘斷非遠謀勸分行部心懷羞

東武吟

絜身祕閣峻紆情東武吟長安俠少年結交千黃金聲名  
騰揚馬珥筆賦上林供奉明光宮越裳正輪琛文成頌功  
德樂祀宣雅音貞符奏郊廟瑚璉三代欽夜夜婁壁輝光  
明照天南一朝事反覆月掩浮雲陰折阪頓驥良緒風抑  
蓬森翻飛同枝鳥展轉各異尋當時形影交判若背與襟  
撫序感代謝循躬憂患深老鶴支軒昂臆對豈肯瘖塵游  
爲世轉遇左難處心余行苟不迷焉知路寄崆母謂時不  
與志士獨靡任

羅池

柳州城東

南江江有湘北河河有濟不比羅池清夜黑全見底池石  
潔到骨秋雨不敢洗我來品水味甘似天泉醴柳侯吸其

髓瓊玉唾寒瀾杜韓覺有塵過此當頂禮我友瘦瞿曇黃大  
則僵坐幽并邸面色如凍梨於侯爲具體晉水浴歸真銀  
漢笑酌蠡精靈倏往來月墮荒祠啟

哀潮州邱衣千司馬山柱

君是蓬萊宮中邱通密來同我修魑魅職傾銀河水潑蠻  
江側斗扶箱收不得訝我豈果被傷憐到官三年無盜賊  
此間有樹名木棉於世無用枝幹直每騎官馬就我食酒

酣高歌出胸臆封侯本意不疎濶海上雄州藉宣力權南甯南

雄惠州府鬱林嘉應直隸州事行軍司馬一臣愈上公行帷主諾畫刀頭

浙米盾鼻書爲地幾何見煎迫天門蕩蕩元氣渾未勝人  
海波回譎君也故步失騰攀饒能再起初不踣墮地省與

元命爭熱中尙被歧塗惑將陰未雨孤山秋澹日高花少

華色退之持竿調侯喜溫水無心坐終日東坡倚杖歎海

南大魚非盡沮洳失小草喬木得地殊一夜風拔同不殖

高官騰騰冗似蝟名士攘攘多於鯽君何倉卒瞋萬世地

下期君擴器識

梧江舟次晤楊三明府西禾倫同登層江閣野望

別後賦寄

離居二十載及此逢揚雲如夢杳陳跡發彩遙嘉聞清才

寄榮祿古意敷高文弭棹歇暑雨眺閣斜涼曛南逸山仍

屬西上江始分隄風疎柳陰池露清荷芬連連引城闕澹

澹極浦濱仰天慕野鶴故友李少鶴賈孟邀同墳千年古井水

鑄冰留爲君李於冰井寺壁題詩懷往契何邈接論情所欣焉知同  
登意虛寥飛鳥羣尊聞望前杳學道矢後勤赤心良可剖  
白髮不可耘所嗟川與原何年息勞筋

### 瓜薑兒

瓜薑兒長街走捧瓜薑盤買來前憐我瘴江日炙船餉以  
甘瓜沃冰泉小兒生涯不百錢給之瓜直意不然兒父生  
時事株連力白其事父迺全孀母語兒涕泗漣欲報未遂  
今七年觸我一生人世緣感恩矢報空遷延窮途撫膺悲  
恨填吁嗟乎薄者轉厚夫何爲我迺不及瓜薑兒

### 桂林寓樓酬文四茂亭運枉贈卽送歸京師

風烟悵天末酌酒羅池侯如結三年心桂樹枝相樛行役  
發高詠無恙公子裘暑雨緬前餞春波送今舟更枉覽輝  
鳳顧我踏磨牛光明一寸燭照見霜盈頭新月出復沒下  
有青山稠窗火搖隔水露鶴警涼洲衆綠暮將歇孤芳凜  
忘秋風雨雅同好去住難爲籌踰躋輦轂下迢遰荆揚州  
音塵益以闕關河良阻修蘭茗目江草杖杜生道周賤軀  
不可送白鷗去悠悠

### 送張縣尉清還恭城

高齋欲白露衆芳搖江潭如雨又今別生風尋舊譚十年  
伏嘶馬兩載眠僵蠶捧檄復微祿燈前髮鬢鬢仍以吏兼  
隱兀坐船如龕王程逾靜路邑界及荆南閒居恰臨水經  
秋我偏堪榕陰斜浣石飯香出漁菴欲問西海津時金初



伊邊程君舊諳俠氣肯憐我臨分語喃喃丈夫不疚心消  
息衾影參雖窮敢失節大義秉在三攬鏡難清老嘉客盛  
劉惔颯颯射鵬風去矣馳霜驂

桂林寓樓以詩文詞二十卷繕送李五秋曹松圃

秉禮書後

大地醉夢相依因空居餘氣骨已陳學腐廼賤腹儉貧寒

蟹癡蠅同一呻我昌其氣常自伸四十髮白面皴皴一官

脫去如棄塵秋來胸次恒留春頗易語言捷不馴出自肺

腑非喉唇落天走海河流渾風雨雜沓從鬼神下筆遑問

誰與親天意不欲死我文憂患百鍊氣益振蒐獮去半內

篇存質之我友為綜甄花光山嵐益生温受以洗伐出鮮

新文詞之病倍於身姑息勿為兒女仁盧扁並世不扶根

我方何以活後人文心未老日加辰行萬里路境更臻積

累其新舊縫紉復進一編吮甘辛為我吐氣彌高旻金水

秉性完清醇金生年壬申日辛未千年下贈未隔晨眼前結習帶自

珍書窗澆壁母見嗔

簡韋大書城

李秉禮 松圃

朝罷邊城宰夕偃池上樓窗中列遠山檻外臨清流端

知君子懷任運固無憂所憂復何在但恐名不留牀頭

萬卷書元覽忽已周抗志希往哲吐辭曼鳴球翳余乏

修縷良友思嚶求願言結同心與子相綢繆何期冬序

交一雨無時休不見纔浹旬恍如越九秋閉門積幽抱

久之不  
夜坐獨冥搜明當持示君淺劣幸毋尤

夜坐獨冥搜明當持示君淺劣幸毋尤

李五松圃來青軒詠韋石

久雨吐不盡  
細天停活雲  
此石非粵產  
靈根想湖濱  
落落  
廬中人疎疎  
階下篔西山  
一片骨清寒  
許見分我友  
李少鶴  
替左司題咏  
揆古茨棲松  
癖下拜憶鶴  
渺離羣來觀  
從吾  
好匪徇衆所  
欣可語愜幽  
意獨立不如  
君  
羣飛

酬劉二十二丞

酌 枉贈 諸城相 國猶子

山東李白騎鯨去

李憲喬 少鶴

繼起於今得老劉世系

中朝傳宰相官階過嶺有監州情深送客千尋水氣吐籌  
邊百尺樓袖裏驪珠九十六多君逆旅肯輕投

騎馬如船故故來萍踪藻思耐低回宦情略與雲同薄胸

次原從海上開盡小衆山登泰岱直尋真路到蓬萊濟南

名士多於鯽一過君前總廢才

十年竊祿久宜休塗抹東西益謬悠翻冀詞章工出塞稍

疑時命厄悲秋少陵高誼敦嚴譴東野棲魂動遠遊

聖德如天迴造化蕢都登第廣封侯

題俞青邱印譜

文章典則字畫正偽古攻異聖所誅作印位置要貼妥中  
央四角首與跌盤拏柯幹爭倔彊曷不搜刷清根株蛟鼉  
碧海橫擾攘那得挺出生珊瑚青邱居士飽古腴鎔鑄漢  
蠟金銅符心兵百鍊斷山骨雕刻造化無完膚厥父能作  
子能守泰岱有嶧華有吳家珍何必非世寶出之敝廬榜

通衢一辭莫贊驚俗儒黠兒拉雜文其愚豈知大匠不尙  
巧刻畫一一爲後模卽如我詩勉達意就譜繩削多豪粗  
古光騰騰歸來乎鐵筆借我刪枝梧

長沙至武昌道中

小調竹枝成識果然春雨潭州誤我一生行腳穀人幾度  
回頭

過雲雨昏離夢擘岸風迴遠心乍暖還寒天氣百花生日  
湘陰

欲乞米家妙手畫圖巧奪天工桂林樓上山色潑來雲溪  
雨中

疎樹如人影瘦清池隨屋角方雲幽未離近世滄湖更有

山莊

鄉善成梁著姓江夏縣南三十里李家橋餅師當鑪失名一帶澄波嫩  
柳淺深併入茶清

陸溪水環新廟三錢船渡舊人白浪如天不死神功辜負  
將軍金戊申十二月赴粵過此作靖江王廟記

與弟墨痕未泐半天石壁殘碑畢竟何人共見森森綠樹  
猱悲明莫如忠崇蘭帖有古赤壁記

西上東坡赤壁東下次山寒谿我恰寓形中立白頭孤影  
淒淒

三千餘日尋夢十二面樓登高十年前黃鶴樓舊作人都傳誦東風世情

太甚花時不上顛毛

湖口 黃陂縣南十五里 雜述二首

事不可恃倚折几詩火急作追亡遁窮獨要是民之一十年墨綬空我紆飢來說餅湖口店楚楚竹屋煨竹鑪有人倚屋跼攀袂銀鐺記昔階前趨 遇前鞫囚楊六配安陸驛 獄成緩上二

十月

詔下死罪為開除計程不遠到徒所幸可三日與我俱我迺不知所稅駕撫膺竊悲囚不如

不坐天窮信人厄榮辱了不關胸膈豈少雪霜上鬚鬢幸未聳贖逮衰疾貧難自贖類馬遷文嗜成癖同吳質熟睡慣入何有鄉醒輒癡吟夜繼日踢翻黃岡萬竹樓不抵先生囊退筆滔滔江漢波掀天或恐原從硯池出况無龜兒

編樂府竟乏宗武傳詩律傷心惟有李陽冰 松圃比部 嗜我鹽

藿甘比蜜名心自古老不除少林寺本藏何密更手一通自討論藉忘長塗遣孤駟邱山作勢迴萬牛斗石程材微一蝨但保餘年偷視息尙冀殊

恩予收卹入窹不忘迴天想未死須諳養生術新吟似得春氣多憂妄舊已奴騷七

灑口 漢陽城北六十里 為東晉時姚弋仲所據之灑頭徵

其事得二詩

琨華宮路蕭蕭草霸圖虎跡風同掃朱龍不騰方陳車 冉閔

三原更蹶鰲眉駟 姚襄 口授龍驤起北地食蒲迺在新平寺

姚 襄 回首倉黃出鄴城黎陽石瀆同分崩略地看驅三萬騎

新關纔設數千兵想見營門急椎鼓六夷如沸爭歸伍牧  
馬將窺礮礪津磨刀欲洗清河雨史詳平北道許昌想見  
此地屯姚羌河北漢東雖瓜剖除却瀉頭無瀉口

魏拔三關取瀉陽陳克瀉口從齊昌數千里間日蹙國混

南於北黃奴荒三百年終竊淮海其勢漸欲爲南唐神福

總師神劍後以下淮南將李神福困鄂州破成汭事鄂州遠丐朱三救望處

驚看積荻高伐多不碍春江瘦拋丸然炬相掀厖林梢燉

發如奔雷監車部將坐其下千樹萬樹繁星開城中倉卒

應舉火半夜失却金蛇堆熏天略分尙父燄餘燼留畫齊

邱灰荆南使船如使馬齊山截海排空下將軍轉戰氣益

振十萬師填洞庭野又報戰艦焚東塘勒兵具檝沿長江

韓勅更無追隻騎馬王從此割湖湘曹瞞自壞連江舸晉

人爭截沈江鑣事去英雄一紙圖伴人野店閒燈火

雖坐清氣用

陳語只之真

負新反為可

自好

經遺堂全集卷之二十

補編詩

江都韋佩金酉山

望思臺擬漢武帝思子歌三首分詠望思而終之

以招魂為此無可奈何之辭云爾江充巫蠱狗

彘也么膺也無介英主父子胷者篇中迺不復

及

高長郡  
此太史  
占野不  
和可畏  
已極

五嶽封兮黃河清意氣橫海兮內稱兵微三老之上變兮

稔有罪之當誅忍大去而罔顧兮將生死其猶懟予兩不

喻兮往焉薄終不見兮遙望博山之高兮洞荒忽三川何

長渺兮漠毀通天之高臺兮移黃金於此間周上下以求

索兮路修遠之漫漫歷晦明以馳驚兮極大幽與九天同

朕志之不暝兮後有無窮之萬年

遼遼兮未央蕭蕭兮建章余心兮未甯猶聞戒兮任攘意  
白日以同晦兮念獨夜而俱長倦幾勤以煩憺兮俯寢膳  
而若有亡恍生存而旋失兮恒幹覲其未明巡寥廓以罔  
獲兮仍有畏而潛藏聖雄靡所向兮取之懷而奪我束身  
雖難能兮奚入明之不可歌風雲循堂階兮矢哀情之孔  
多紆軫以損長生兮懼年壽之無何

白雲之圖

一美之去

武

迺下招曰魂兮歸來受何為愁一人兮棄兒主器  
而亂離殺身兮魂兮歸來北方不可托洪河非弱兮射蛟  
沒羽獐龍攫兮下有雷淵旋靡灼兮禹囚神姦兒魂是索  
兮魂兮歸來東方不可留邛山齒齒古冥邱兮爛人銷膏

飢蟲螻兮土伯角觸虎首身牛兮石炭自然熟而春蹂兮  
魂兮歸來南方不可久羈連嶽嶂嶂叢長豺兮潭漢無底  
窟黃能兮搏人以嬉巨口吞骸兮展轉昆明化劫灰兮此  
皆災兒歸來歸來恐為所賊兮招具既備呼孔亟兮魂兮  
歸來返京國兮宮塗舊青崇筵是設兮兵間勞苦娛酒終  
日兮莖掌高露清甘湜兮仙桃獻熟種留核兮蒲萄若榴  
貢西域兮汾鼎光爛金景吐澤兮燉煌加關陳圖籍兮天  
馬東來試驗服兮前星重光天官輔弼兮行慶肆赦宣示  
冒頓音墨兮坤曜發暉告椒壁兮寒燠分噓禮鉤弋兮婉  
變弗陵共梨栗兮史皇孫會五世同食兮以慰老懷顧有  
喜色兮魂兮歸來再當璧兮榮名鴻業永無斃兮亂曰煌

武

煌東狩夷猶殫等兮登高不歡思悵悵兮甚斯栢迥兮匪  
余毒棄親絕恩兮永不屬解嚴弛譏兮長樂關嗣武功兮  
何時還上匪終禍兮下無覆冤人窮反本兮曷訴所天風  
雨淒兮湖城陰宿慈烏兮哺暮林匹夫倚閭兮况龍種之  
久淹荒園淺土兮甘滯淫往難追兮賫悔深魂兮不歸傷  
雄心

閩鄉城內荒祠教讀者愛其間靜題壁一首

偶踏城門忘是非不臨官道羨輕肥傳經自是真名士至  
樂無如大布衣煮飯半鎗剛得飽騎驢十里好言歸教讀者家

與城西盤豆館相望

年時親戚村前後兒女雞豚共一圍

登閩鄉西樓放歌

胷中不合起五嶽撐拄青天唾之出要從腳底繪真形何  
辭萬里長爲客皇古元氣老不死風陵軒原眼中直漢皇  
父子非俊物天性甘爲巫虜賊樓頭廓廓無一塵何來細  
故相填塞我呼牛馬何足算地上蟣蝨本非秩瀚海風沙  
古別離湖湘去住無消息不須更歎行路難床第甯饒衰  
髮白清觴飽膾生悵望幾見歡娛不蕭瑟黃河自是天上  
水人間之愁煮不得使筆卻借古遺弓我知其疆挽益力  
雷霆銳走天骨張嵩華低頭那能敵歷劫得活中有恃羣  
生相煎恥同格還請造化迴風飈莫教吹破登高跡

長安署齋晤明府費生濟

青青浮萍草大海相逢亦已老枯蓬八到飄有日歸根趁



廻飈高臺蒼曉衆星沒太白空留伴殘月當年草草共晨  
夕豈料白首遇天末孤雲兩角繚武功竹監生前權花曲  
交清風暑天藥賤黃著市太平肉臭蒲萄宮曳襟半幅塵  
有萬駕車五兩書得半天章雲錦世莫識持將大荒詫翱  
漢生來宦遊我已往總有一命榮吾黨生受我書轉課兒  
一家定少拋荒時漢陂晴雨山離合好奇岑參排闥闔高  
唱欲叱輪臺城盛氣先湧慈恩塢幾人坐我先人廬看養  
浩然非孱夫此心同學知頗久不用望遠相駭吁

詠秋海棠四首

名花祇合與秋宜別有嫣然出世姿冷落原教老顏色清  
華不在鬪腰肢新涼巷北濃陰裏薄暮墻根細雨時未免

直繩從性始風翻一一界朱絲

年年幽獨悶芳修敢笑漫山俗可羞解道多情須入地禁  
窺絕色不登樓廊迴溼月人歸夜門掩蒼苔蝶夢秋清到  
井華難忍觸更無風骨近溫柔

明燭高燒照性靈淒涼風露故相經心酸誰見關兒如腸  
斷多於欲睡醒在野未全除富貴移根定不驟飄零生平  
恥乞人憐護自挂珠宮九子鈴

洞天一片接山層空谷窮邊最可人粵西水源洞許菊知心都

正色與桃同命不當春香生南國防綠蠹葉接西風穩障  
塵我爲清秋洗真面幾生修到此花身

阜蘭旅次送張雨巖司馬森入都卽寄懷施琴泉

太史有序

雨巖司馬燕薊人豪。洮湟治最。遷貳郡之新街。  
 飲五泉而小駐。望闕方當。秋請依隴。許共晨登。  
 金嶺表浮雲。江干落葉。竭來譙國。遠道銷憂。為  
 會城南。謫人無夢。信州歎願。生同三刺史。湖城  
 宿劉顥。遇孟雲卿。時頻借葯林自我來思。天外  
 有天。臨當去也。客中送客。君循上路。南山黃河  
 東轉。我附無聲。弱水紫塞西頭。秋之為氣。滿城  
 風雨。重陽魂無可消。一別音塵。萬里新吟。代柬  
 前作。同編刀頭樂府。試聽隴水離聲。日下舊聞。  
 誰譜京華詩話。謂昔京師與

棊泉同遊

偉人到處無風塵。君賦白華。踏青雲。人間不合有蹄輪。我  
 從珠江出玉門。東西一水分流處。隴上停雲未成去。白塢  
 山高。偶雁棲海波。寺畔曾萍遇。騫騰風骨元丹邱。揮斥意  
 氣韓荆州。琢成佳句冷玉色。晶天滴露研清秋。街西日落  
 街東虹。去聲樽前燭燄風升降。頻從舊雨飽新歡。從來美酒  
 無深巷。此時故人官長安。琴泉曩遊往事心循環。設膾嚴冬  
 逮明發。打鼓元宵走夜闌。王郎稚南未達李賀古陶死檻  
 花散盡。牆苔寒。九衢燈火廿年夢。但恐老却春風顏。臨流  
 看匯三河口。登山忽詫分雷首。行厨飽煮龍門魚。送客空  
 攀灞橋柳。顧我歷劫非心衰。落葉未果辭青枝。為言祖席  
 重陽會。猶誦星窓寒食詩。

泰山不讓土壤

地相

軒哲

多羽兩句  
稗官翼雅

陋邦

送韋大書城出關

大興張森雨巖

征鞍小憩共銜杯，剪燭論心素抱開。  
肯放春風關外去，最難新雨病中來。  
生先識字誠非福，窮後工詩不是才。  
明月二分天尺五，北堂頻望馬蹄迴。

贈楊大蓉裳

芳燦

仙劫同辭玉皇案，常恨見詩不見面。  
塵勞同住金城關，還愁隔街如隔山。  
夜郎白也台州鄭，杜陵與之同性命。  
文章交道相維持，雨驚鬼泣羈魂定。  
天心作合何殷勤，虛無指路爭紛紛。  
奔潮倒灌百川水，自嶺南至蘭州溯江漢淮河涇渭諸水微風暫曳三台雲。  
君將入為郎在蘭州待朝命夢中狂呼今逼真，萬里西來原為君。  
星躔聯珠天磨動，窮邊不放秋陰重。  
頭童互作整冠

笑足爾倍賈登山，勇黃河九曲腸與迴。  
紺塢千盤氣同湧，五字河梁蘇子卿。  
三疊陽關米嘉榮，語長字奇人不識。  
捲入香烟歸太清，鑄成鐵骨莫憐我。  
但話老母相吞聲。

長句送韋大書城出關

宜興楊芳燦蓉裳

相逢卽有情，相識卽難別。  
漫道空王有宿緣，此中情事無從說。  
我昔聞君名，未曾識君面。  
東西宦轍相背馳，君到蘭山始相見。  
識君恨已遲，別君一何早。  
霜氣落黃榆，風威凋白草。  
客舍悲秋已甚，勸送君又出陽關道。  
君才倣天下奇，篋有百賦千篇詩。  
崑崙華嶽起方寸，歷落嶽奇人不知。  
嶺嶠十年原汗漫，一官久作浮雲看。  
萬里投荒未足悲，話到高堂腸欲斷。  
浩蕩度流沙，愁歎兩鬢

並用文武  
必宜相砥  
多同部  
以少息  
不免相談  
兵之界  
官如如  
被騰騰

塞長向  
合身不  
宜飛近  
稱情急

華小人猶有母。遷客已無家。粵西子舍仍孤寄。入夢慈顏總憔悴。衣上常看密密縫。客中難制泫泫淚。我心悲君復慰君。至性自足回蒼旻。況今聖德徧八極。定有雨露蘇枯根。邊雲橫大漠。秋氣偏蕭索。征裘犯雪輕。別酒經寒薄。為君慷慨發高吟。朔雁南飛盼好音。飄零塞外悲張儉。遊俠關中仗季心。謂長安費大令歐餘臨歧贈子以長揖。轉眼流人玉關入。稱觴重奉北堂歡。編詩更署東歸集。

九月朔日過葯林寓齋次見贈韻

敢倒詩囊僕命騷。邊風蕭颯櫛霜毛。苦搜狐腋呼芎藭。笑祝豚蹄祀棗糕。好客何妨占不速。脂車無那詠將翱。新吟

快似麻姑瓜。恰為愁人癢處搔。

卽席又次韻

清歡隨意卽開筵。急索詩逋締酒緣。似髮花稀秋信後來。賓雁冷夕陽前。長河淮海全通水。絕塞風霜別有天。賸我無家一房客。不歸原不坐無田。  
古之飲會保世相

蘭州西十里與黃河別

念云為客久不食在田

自我入鞏洛。舉目大河在。身家逮一水。遠溯舟可買。風陵更西上。同行跡疑改。暫教涇渭從。仍約洮湟匯。譬如違故人。先往前塗待。小別中不愉。重見歡應倍。我憩臯蘭山。秋望凭橋每。百川流相持。萬斛纜齊解。忍拋窮獨叟。冰天孤真宰。幾曲感屢逢。九里潤半載。相從到此間。中分任飄灑。

此水別可傷從今渺淮海

沙井驛俞生惠張生升來迎詰朝送至莊浪河頭

臨歧占示

玉龍堆高未消井冷素看同髮垂領立處心知偃蹇人山  
曲餘明照雙影前村荒戍石色古跡踏泥翻鬪飢虎天河  
挽洗仇池兵朔管吹撒陽平雨金刀在懷渺秦雲銅馬椎  
心擊猺鼓時老親在粵因憶邊俗獻歲擊鐃鼓野客情知獻棗瓜丈夫淚不  
關兒女絳驂老樹話侯芭隨風吹墮皆我家似鑿鐵心枯  
不華天公禁教梅作花

題顧小謝少府金城華嶽雲開立馬看圖

馬首憑瞻白帝尊巨靈掌爲擎雲根知君眼更高於頂看

到通天有一門

杖長九節拄真仙高語塵頭緩著鞭十丈花開擷新藕放  
君騎馬我乘船

題扇頭畫芝梅水仙爲遠峯公相將軍作

維山有芝得氣之元自天鍾靈以固其根不雨而潤不乳  
而炳俾爾民爾壽一世同活匪民之活靈長邦國口不言  
仙與山萬年芝

維春自然得氣之先猗彼百卉莫或敢前醞釀古澹以大  
光華太虛悠緬蔚蒸雲霞空山而富霜雪而茂君子之守  
君子之壽梅

喟彼草兮敢自好兮水與清兮潔以葆兮蔭永貞兮飼長

生兮小蓮冰萼面迺呈今歲寒之務千古之遇千古之遇  
未忘遲暮水

歸映藜方伯景以繆申浦太守晉中秋雅集自慊

齋詩屬和次韻二首

池亭滿月受清真嘉會良宵坐倍親塞漠生涯饒灌圃吳

儂鄉語欲驕人時伊稔多樽前有菊都成節老去逢秋總

當春履道列星添柳宿豈惟白傅廿年身

黃蝶城陰入畫幽吟窓穿眼硯田秋是日盛筵金貧拚歸

里荒三徑夢想移家近六浮風雨客防來不速方伯訂太

赴看花劬勞草愛種忘憂金違養花開却聽花能語公等天

山好雋遊

勢如轉蓬

語有不能之  
氣既轉蓬

凡更社日於  
屢身玩繡  
之狀竟已居  
席上  
十  
亦  
亦  
亦

申浦太守疊韻枉贈再疊奉酬二首

文章價貴洛陽真典郡河東倚畀親塞草盤將錦鞮馬天

風吹墮玉堂人詞頭漫責張三影講舌猶存井大春君是

萬年温室樹等閒肯顧轉蓬身雲破月來花弄影

江郭人肩賣菊秋井華清冷草堂幽憶傲劫從度索山層

破泡到條支海面浮踏草修羊藜藿糝銜蘆奴雁稻梁憂

何心更赴看花約八十單親望遠遊好不是徽叔的一派

酬楊雙梧觀察廷疊韻枉贈二首柳州

鯤鵬往事畫圖真觀察官閩寫觀邕翰爭教絕塞親扶餓

耽書饒似蠹忍疴栽柳瘦於人渥洼天馬搜奇種觀察性

西海糜冰鑿古春回首累緣文字得支持要檢苦吟身

笑語頻違日九秋榻穿古屋瑣窓幽月何曾近偏常好鷗  
不能馴各自浮命子定如元亮達傷人莫切孝章憂西來  
萬里非無謂天淬詞鋒賺紀遊

觀察來詩述金作令仙鄉不為人厭有感舊事疊

韻賦謝二首

載石舟輕宦況真柳候祠墓辨香親飛書轉調緣坡馬褭  
飯來迎渡水人氣飽六營歡饋歲註見第風清八縣雅班

春柳郡八屬金為清理訟獄姚大中江天過雨韓碑濕高

唱聲中省後身嘗公讌江亭即席調滿江紅李少鶴

木落三門三門江註魚鳥秋秋風鳥註坐花深處註見第

夜幽幽丁男籍減征徭重丙妹源荒水氣浮柳江源出古

丙妹分挂齒兩番經待罪汗顏一事未分憂竹林舊業留

黃竹老訂南歸訪舊遊頻年候代兩館於觀察

次韻方來青觀察詠盆荷三首

坐采蓮舟廿載前閩風堂畔城北徐園堂納涼先行來萬

里慵相覓老對孤芳未敢憐自昔說花清在遠非同頌酒

濁能賢出塵輸與情如水挹露攀荷愛此鮮

盆荷標格較清新幽供原來不借春綠水汎歌環座濕羅

衣聽雨隔簾親最宜碧翬天然古雅稱冰壺自在身我引

杯筩相勸醉涼宵合捉甕邊人

頻聯佳會寓齋中竚捧

溫綸馬首東草木敬恭留訂譜遐荒物色補陳風藕淘玉

井頌全脆蓮綻金鋪撒更紅鼎食增隆甌卜協紀  
恩新作語尤工

我系書堂祥

經遺堂全集卷之二十一

詩外

上秦石翁先生贊

江都韋佩金西山

天下之石宗秦岱弟視四嶽兒羣山最先獨稟拔造化一  
青千古常春顏蓬萊文章香案骨住世豈不登高寒八年  
出烏臺班吞若雲夢者八九寸心湘水同清潺觸卽爲雲  
膚寸雨崇朝已遍仍歸蟠歸來羣才得領袖珠船玉窖爭  
排攢某也小石介終日鄉里落落何寡歡尋支得脈快仰  
止不見歐陽非大觀收羅竟未遺土壤時沐溫語憐疎頑  
窮塗聞慰誓感刻邱陵那敢當才難祝公大業壽不朽非



祇舊話譚金鑿刀圭同分李八百尙書沈

既堂都轉

與東山安

謝未堂少司寇石交輝映動光怪舊侶天上非人間維石之精夜

騰上浮動百尺樓闌干太邱宅裏德星聚直與元龍豪氣

炯炯冲天關

時觀光哲嗣嶄然見頭角

奉贈恒太守

豫

聖朝發祥長白山萬古元氣濃雲蟠極天降神憲文武林立秉秀應星垣偉人立地人中仙温如春飈泛華泉蓬萊舊侶那可數就中獨冠清華班使星輝輝照江湍出守仍署祥刑官官方澄練同清潺青山印床相對眠凝香畫戟盛文讌弟視小謝兄青蓮家家花月春連天隔江霖雨膏江田聞聲父老拜額手望亟使君赤馬船快哉風起草木

歡竹馬迎赴瓜洲灘視民如兒兒太古入境但有桑麻緣一載臥治淮海壻試驗民和指豐年益人無過澹薄水五十有二春風顏夫子廟堂新桓桓韓勅豐碑手自鐫揚州郭裏市河水要放江口爲奔川郡樓西望粉榆烟舊家大道紅樓邊譜我歌聲被金石同鳴比戶清風絃開堂蕭寺勝喜歡喜觀飯僧非愛禪六時不斷木魚誦井闌久泐繩痕穿牧民廉部持精堅元命自作添繩縣金焦之水千山底觀海蒼茫翻浩然

數珠詩題駱慎庵小像

詩人善禪悟要數東坡最數珠乞南禪妙諦文字外惟君清隱老立脚閱塵界風輪自蠢動一粒心見在已過更未

來了然絕拖帶想見坐衲穿十年功用大期誰趁彈九百  
發鬪險怪往返果不竭清轉迺如話待轉盡千佛舌聲亦  
受戒蹶然毀故櫝更無珠可賣

題戴雨峰孤篷垂釣圖

鱸魚紅樹消魂地自在楓江漁父圖樂府迦陵高格調金  
貂果美綠篔無

倡條冶葉翠相圍水不舟喧綠更肥畫手君家有文進不  
須渲染著紅衣

城河秋雨濕年華學釣兒時憶謝家棖觸君圖一絲淚斷  
橋西畔水紅花

晉陵客本廣陵人柳陌菱塘擬結隣曾向天邊看綠水幾

時閒到轉蓬身

題解靜庵大秋林獨坐圖

秋林纔冷未霜枯重疊溪山滿畫圖三尺生綃多著色天  
然清瘦笑倪迂

跌坐何人影最臞塵容我愧在城居杜門那有看山好黃  
葉西風獨著書

山根葺草不勝耘石脈勾連澗影分寫罷橫圖卷秋水一  
年清夢且輸君

題程香圃帶經圖程家淮陰

竹樹柴門屋幾椽山容遠近綠無邊凌烟意氣耨雲手不  
舍荒寒舊輞川

淮陰秋旅黯消魂耳熟高風未款門一望萋蒿三尺水城  
居處處沈尤村

葑稜勻勻石徑彎橫擔柳栗羨清閒敞廬風雨遺經冷辛  
苦人前說買山

題陳歲槎肇元松陰飼鶴圖

小曳單衣立晚涼游心五嶽未成裝天香一夜吹松子滿  
地秋風穀鶴糧

月寒深澗影孤涼苦愛霜毛自整裝啄盡苓根不醫瘦山  
居省更說休糧

題陳蝶庵延杰蕉窗聽雨圖

索索涼宵颯颯聽斷難眠處掩疎櫺圖中一事堪惆悵不

許才人兩鬢青

湖海停雲洽素襟朝來清鏡夜清吟期君隻手爲霖日莫  
忘燈窓舊雨心

苔岑餘潤養書龕讀書原同剪燭譚我亦舟車倦塵海歸  
休何處綠天庵

題卞處士晉水石清娛圖

虎皮石沸虎跑泉鴨腳根維鴨背船忍俊何人撰清賞妬  
君終日坐詩邊

叢蘆雨重一灘欹絲柳風多盡日吹似我初嘗惠泉酒連  
江橋外泊舟時

題柳東籬鷹柳泉圖

柳州江繞柳侯祠柳宿光中柳兩枝柳下井華清到處何人不唱七郎詞

五嶽尋真願未乖黑頭先住此山來不須粉本蕭思話盤石清泉贄酒杯

題丁叟二迂所藏香山九老圖

三代重養老乞言垂舊典達德以齒尚屈致非榮免白傅性真率年譜入詩卷七十會昌元邁跡更何遣朋來年相若官退道益顯誰摹古衣冠一堂繪忠蹇嗟人血肉驅電光弄虛展積唐事已非老態夫豈免磨墨且自磨轉佛先受轉莫待懸厓頃斤斤戀殘餞惟君夙道根晚境進益善閒門妙養生縈慮事頗鮮劉吉闕並傳疏水一何腆慕古

羅筆精樂命躬實踐攬身入圖中並立數大衍冷笑桃源人入山爾猶淺

哀王秀才馥堂

嘉徵

玉堂寶書人青春閉長夢廿載論文心漆城薶永慟王郎冰雪質墮地夙負重風雲到撫掌前席色飛動男兒一寸心料理爲世用天鵬屢垂翅櫪驥緩征鞅風木凋華心冰蘖苦清供六賊競內訌二豎習聚訟劍氣薶英光硯田罷微俸火珠懺一星烏衣賸羣從嗟我舊同學貧蹤且接踵炙酒灰楷添說鬼殘月送春湖曉扶醉冬亭夜忍凍悠悠少年事如何語翁仲憐才但攀輻清淚不成漣

韓山人仙李

梗

挽詞

玉井山人蓮峯厭人世漁山朴存老病臥蒿萊揚州耆舊

凋零盡又哭先生宿夜臺

曩陪杯酒坐冰衙朱思堂都枕藉詩囊與畫義長記華燈

看潑墨亂堆春雨寫梅花

結侶蕭疎避俗深昂如獨鶴唳桐陰薊南退山陳水榭今

蕭瑟白髮清譚夜夜心

舊家門戶足清佳屋枕城隅寄老懷招取詩魂三尺水綠

楊如薺小秦淮

年丈瘦生汝隣挽詞

荆關不作董郭死滿紙丹青無畫理噓雲赤岸銀河通役使風雨天無功更飽温涼滯人海顧盼英風鬢絲在伯通

廡寄城東隅棲貧自寫移家圖竹垞曩編丞相系五字碑

銘文點逝年來敗籜隕秋飈傷心不止平原淚汪潭水深

葉龍真丈與汪芳六葉篤義企君千古人尊前情話重相

訪馬矢堆齊白板門

題清溪旅吟冊子

清溪何人題雄縣店壁高陽臺一闕錢塘程君兆熊作圖里中

張君蓮浦裝池屬題

張侯絹素足披尋一幅清溪疊旅吟自昔秋山堪入畫從來易水慣傷心關河如夢旁皇苦口角於詩宛轉深誰道飄零獨不見梨花烟月在牆陰

邏里二首

墟場交易邊人宜輪十二日一墟期暮天攤地爭搬貨棚

邊急走草上坐幾人問價幾不成溪流林響雜市聲陌頭  
香開花姊妹蝴蝶飛來盡成隊土風不辭遠父母禮義專  
與閑情愛紡車家家習婦功麻麥豈得窺邱中人言騰沸  
村犬吠有畏不敢春遊空職金司市法猶賸菽粟同量繇  
同稱自從官署驅樂工抱布不尙綠與紅裹鹽包飯散歸  
去山月長明趕墟路

右趕墟

官田草短平如掌一聲吶喊春山響美人臨陣孩兒兵鳳  
爪龍鬚互來往當晝非月非流星千日一視空中爭笑語  
上扶地氣湧太平婦孺歡春聲捉搦溫柔競來接日光日  
力交相怯游心不定交臂馳相失原從得意時五色離披

人外墮突陳斜牽一兒過春初拋毬之會婦女領羣兒於野田空濶處平分兩陣互相拋捉有不得者牽其一兒陷師城濮誅得臣有法不逮敗績  
過陣人愈少愈不得毬  
人此軍非弱短馳騁旣敗軍容尙能整驪龍吐珠爲鬪媒  
我從閒處攜毬回

右拋毬

題前溪秋色圖

洩雲望何濃層阿障彌廣厓斷面壁澄樹老緣秋上別出  
斜川長一夜新雨長游儵數橋陰墮樵拾徑枉誰家屋牽  
蘿遠見門覆盎沿蘆夏舫涼打波弄橈響裴慣輞水游戴  
熟剡溪訪塵顏對景開老目拭圖爽寫付忘機人庶用恆  
心賞

白紵詞

碧紗濛濛拓金屋歡場夜情動綿脈三絃十指相斷續瀟  
湘水哀瀉紋木青銅抽絲纏嶰竹短柱東西雁排足嚶嚶  
啞啞杳相逐集織爲整峙以飛如終復起宏且微窻中聽  
真知者稀

冰絃丁丁板緩緩風簾停雲鶯語暖翠雛調春新舌軟梁  
塵不動燈紅淺花奴玉奴堂滿聲高掩衆音颺玉笙突出  
絃索相換清朱顏浮光長眉青迴波一寸秋盈盈曼歌掩  
抑傷人情

朶雲乍起衣鉢弱無風素指蘭芻約露華溥珠赤脂薄輕  
魂欲消扶不著笑前睇後和春神藹如華星澹微雲玉宇

一淨無餘痕善爲樂方贈人真滿堂人意無不馴更衣揄  
袂嗤下陳

初春平山堂探梅戲同耿孝廉晴江育作

湖上與我別屈指自前秋甯無風月懷乍動條已收非偕  
出塵侶肯自稱遨頭春人會佳節新意融餘愁如珠昨夜  
雨萬象膏而修草綠欣漸齊柳黃暖初抽湖水交微波靜  
與詩瀾浮照我塵埃面俯掬且一漱景光逼中年交歡緬  
勝流及時須自樂尺寸何堪謀

山堂嫌雜沓梅徑東南真色洗積雪化工出清華高情  
契奇豔笑指如塗砂自是真仙人摘取餐流霞微風暖投  
懷吹送入酒家千杯益高態苔髮同鬢髮積然山石上不

辨人與花玉骨醉白日嬌春嚙紅牙戀賞辭畫船惜別愁  
香車盛年豈常好浮生矧有涯毋辜夫塊心虛度貽長嗟

又戲簡晴江

意落碧天外人世羈逢迎何以芳余情清罇湛中誠風衣  
寺門警別葉挂簷鉦原非一溝水東西何由并折簡我好  
友良覲千經營不盡風塵感明燈罄平生更酌洗倦眼衆  
中識真聲山木木有枝凍梅肆香馨

馨香不可采搔首竚城隅沈陰重晝寂嘉樹欣冬餘飄飄  
天上人冉冉階前趨入門不肯媚却略容我不昔見已嗟  
絕今見更驚殊妍媸在人心幻出百羅敷兩得貌爲豐把  
手意難渝翻因慕義誠貴我人海軀

人海日招攜茫茫波萬重出自城西門羣芳迓春工泛鳧  
拍新水孤抱此匹雙阿母寄書來思兒臥幃中捧書涕泗  
下一葉凌烟江江風日千里杳杳南飛鴻親知如流萍蹤  
跡各飄蓬方離眷初合爲樂須有終寄詩亦何謂雲海空  
復空

銀漢八首

迢迢銀漢碧羅天天上星精地上仙瑟以錦名自東海簫  
爲玉質定藍田雨聽深巷香垂手花折閒門髮覆肩絕世  
却教生並世傾城不慟慟華年

照乘珠擎掌上時風來無分識羅帷對門居恰樓相望汲  
井牽纜夢一絲二月春情剛豆蔻廿番花信祇荼蘼微波



轉眼終歸海多事曾通夜半詞

紅燈燄短月西斜目斷銅街金犢車百折語商春燕子一  
生淚盡雨梨花錦綸宛轉持君贈珠箔分明認妾家寡味  
定情繁主簿鴛鴦隨鴨鳳隨鴉

飄忽西冷獨繭綸同心蘇小締前因清秋雲水宜貧士佳  
話湖山要美人天外畫船橋下影夢餘醇酒月中身神仙  
雞犬都千古采藥年年枉問津

直北雲程乍解絲沈沈消息未媒勞臺街自昔垂青柳天  
市何人種碧桃萬事祇須啼嫁娶一家彊半重錢刀挑裙  
不及閒男女慚對雙鬟數二毛

玉手金盤膾鯉魚月圓滿院餉登徒千絲但結情爲網十  
斛空量淚作珠未必佳人隨地有可知名士直錢無清明  
歲歲珍亭會蕭瑟明年仕女圖

金線樓頭壓夜長匆匆黃竹喚成箱肩曾比處處虛同里目  
記成時舊有堂持贈無由問陶景風流兼悔失王昌屯田  
墓外初弦月添倍空明照夜航

天孫巧乞兩重簷博進錢輸百福奩畫裏家風原小米人  
問國色總無鹽半江斜日供垂釣十里春風賸卷簾骨出  
飛龍灰破劫真空我已歷華嚴



